

國朝文匯

國朝文匯甲前集目錄

卷九

顧景星

字黃公湖北蕪州人貢生有白茅堂集

周平王論

秦論

隋論

明封建論

阮嗣宗詠懷詩註自序

送倪玉繩序

東山小隱記

靳守唐世炤傳

悔岸汪公家傳

甯都尹宋公家傳

賣紙翁傳

吳隱君贊

并序

朱一

是字近修號欠庵浙江海甯人前明舉人有為可堂集

武庚論

十二

蘇秦論

十二

張良論

十三

李泌論

十四

李德裕論

十四

建文忠臣補傳

十五

談孺木先生墓誌銘

十六

陳

瑚字言夏號確庵江南太倉人前明舉人以避兵行逃不交人事

聖學入門書自序

十八

得金堂夜譙記

十九

得金堂夜譙後記

十九

黃

侃字孝貞號石航江南太倉人前明諸生

明太祖不置丞相論

二十一

鹿樵紀聞序

二十一

黃頊傳墓誌銘

二十三

國朝文匯甲前集卷九

周平王論

顧景星

周之營雒周公之智也蘇子之論不然蘇子曰周公既葬成周而成王葬公於畢豈有意於遷者此言非也葬公於畢從文王也從文王者所以尊親周公也太公封於營邱死於周而葬焉故五世葬於周從太公也蘇子曰周之失計未有如東遷之謬者使平王有一王導定不遷之計收豐鎬之遺以形勢臨東諸侯晉齊雖強未敢貳也而秦何自霸哉此言又非也形勢東臨諸侯莫如秦秦子嬰之亡未嘗遷都也夫周衰自夷王始矣厲王奔彘淮夷寇之幽王死於驪山大戎寇之未嘗遷都周之禍不因遷都明矣方是時周社稷不絕如綫平王之遷不得已也使平王不遷外逼於犬戎而內忌齊楚秦晉安知不為幽厲續桓王伐鄭鄭射王中肩不因東遷而後敢射王也周衰王之可射久矣昭王去成康不遠楚人膠舟溺王豈亦有遷都之事乎蘇子曰魏惠王畏秦遷陳考烈王畏秦遷壽春皆不復振此言又非也是皆不振而後遷非遷而後不振也且春秋時諸侯或自遷或為人遷許靈公逼於鄭請遷於楚楚遷之於葉復偪於楚請遷於晉許大夫不可而楚卒遷之於城父其後晉又遷之於容城當是時不遷得乎邢畏狄遷夷儀衛畏狄遷帝邱邢衛固不振也不遷而滅

於狄不如遷之以待諸侯之救者庶幾猶可復振也。且夫古公不嘗遷岐乎。衛戴公不嘗遷漕。文公不嘗遷楚邱乎。及文公而衛又盛有革車三百乘。國人爲作定之方中。衛不必因再遷遂不振也。蘇子曰。古公逐水艸而居。事無難者。衛文則恃齊而存耳。此言又非也。古公棄其土地逐水艸。庶幾免於亡焉耳。使古公不遷必亡於狄。雖難亦遷也。衛文能恃齊而存。不能恃齊而不遷。周平王雖遷。諸侯不能背周連戎。秦襄公則以兵送王。至於文公伐戎。收周土地。人民獻於王。而曰不如衛之有齊。不亦過哉。平王更二十四傳。東周始亡。使平王不遷。或再有驪山之禍。吾恐惡狐陽人不待赧王而遷矣。蘇子又曰。齊遷臨菑。晉遷新田。皆其盛時。自餘畏寇而遷。信未能振斯言也。宣待蘇子知之。彼不得已而遷。蓋以爲不復振。不猶愈於即亡乎。隋都關中。煬帝遷雒。亦盛時也。不能不亡。晉懷愍不遷都。不能復存。徽欽不遷都。復爲懷愍。使宣和末。即南遷。號召諸將。安知其不如紹興之有國。而李綱輩死爭。不過曰我能往。寇亦能往。京師士女百萬。不易動搖。而不知大勢已去。非一不遷可守也。綱等又不知出太子於外。如晉元唐肅故事。而謂國勢在遷不遷。不已惑乎。吾故惜靖康之不及遷。而哀平王之遷。其事勢有如此者。嗚呼悲夫。

## 秦論

有以係天下之心而疲天下之力。皆足有天下。秦是也。天下之心甚衆而不可齊也。力甚衆而不可奪也。所以係之疲之。無多端焉。夫所以係之疲之者何。其初不過方隅。令天下奔走不暇。不以一成為小。不以數十年為遲。若是者。蓋取天下之大權。而守天下者所甚憂也。秦自惠王欲并天下。其勢未能設。不幸而六國不從。秦闕不隨。秦且疲於六國。必有乘關虎而拾鷄蚌者。吳望得天下哉。幸而六國從。秦關閉。秦得以逸待勞。六國之民西向而望。心忌強秦久矣。老師敝賦。所以備秦者至矣。然而秦不遽取也。取蜀所以係天下之心。取韓取魏。取趙取楚。以疲諸侯之力。最後取燕取齊。蘇拔之耳。秦之取天下。如是焉耳。豈惟秦也。吾驗之吳楚。吳將伐楚。伍員為三師以擾楚。楚出吳歸。吳出楚歸。數年楚大疲。吳遂克楚。豈惟吳楚。吾驗之三國。夫武侯之智。豈不知魏不可遽取。而數侵畧者何。擾之也。幸而武侯不死。屯田踐更之法。行歲出強兵。以疲魏。又幸而司馬懿不悟。開壘延戰。奔走不暇。天下未可知也。不幸而武侯死。司馬懿悟。姜維之才。不足疲魏。魏之力全而蜀困矣。豈惟三國。吾又驗於宋。夫契丹女真蒙古。皆以數十年擾中國。幸而中國稍強。能以逸待。則天下未可知也。不幸而中國弱。士馬糧餉盡於彼。凶荒盜賊繇於彼。彼逸而我勞。而德裕之社稷掃土而奉元矣。是故有以係天下之心而未足以疲天下之力。雖蜀漢不能有天下。不

國朝文匯

卷九

二

國學扶輪社印

足以係天下之心而有以疲天下之力。雖元亦能有天下。吾於論秦而得之。然則取天下者。苟能係天下之心。而疲天下之力。足矣。守天下者。毋令敵國有以係天下之心。而疲天下之力。其亦可哉。

隋論

開皇十二年。有司言庫藏皆滿。文帝曰。朕既薄斂。又大賜。用何得爾。對曰。用處嘗出納處嘗入。曾無損減。故爾。乃更開左藏之院以受之。論者曰。隋之富強。史傳未聞他術。意者苛取於民者也。乃其時天下承平。數行蠲免。賞賜輒數百萬段。煬帝未亦嘗除婦人奴婢部曲之課。不聞苛取於民也。而其所以富強者何。蓋墾田多。賦入衆。雖或蠲免。不足以損。是時天下均田之數。千九百四十萬頃。大業中。遂有五千五百八十五萬餘頃。周秦兩漢所無。而隋有之。宜如是之富。信斯言也。則隋之所以亡矣。隋墾田數之多。猶增戶口數之多也。古之善謀國者。甯有虛府。毋有曠土。甯有曠土。毋有重稅。甯有重稅。毋有蠲免。文王問於太公曰。為國若何。太公曰。王國富民。霸國富土。僅存之國。富大夫。亡國之道。富倉廩。此所謂甯有虛府也。孟子曰。善戰者服上刑。鬪草萊任土地者次之。此所謂甯有曠土也。劉晏曰。王者愛人。不在賜與。善救災。不至蠲賑。賜與蠲賑。則國用闕。國用闕。則復重斂矣。此所謂甯有重稅也。隋以地狹人

衆者徙就寬鄉。發使四出均天下之田。人人受田。人人有賦。故增數如是之多。夫均田行於元魏。當天下大亂。土廣法聲人稀。以威力勒其國中。迨北齊後周倣之。即難行矣。何者。物之不齊。物之情也。安得人人而賦之。可謂極擾矣。極不善矣。迨夫困鹿充盈。蠲免市惠。奪人擔石。與以壺餐。人雖至愚。不以為德。史臣不知罪作法之貪。而盛稱富強之利。豈通論哉。且夫隋之富強。吾知之。昔者秦之兼并六國也。六國之股剝於民。積世累年而充。捋其府庫者。舉而歸於秦。秦之富強者。天也。不有以安之。窮奢黷武以死於沙邱。隋亦兼并南北。南北之股剝其民。積世累年而充。捋其府庫者。舉而歸於隋。隋之富強者。天也。不有以安之。窮奢黷武以死於江都。故觀乎秦。知乎隋。觀乎隋。知富強之禍。禍也者。上有餘而下不足也。如鄙夫治家。極升合之算。守倉箱之積。而不知伍仞之將去。田疇之將廢也。綺帛梁肉。委於宮中。而不知僕婢之饑寒。抽其拊鍵之竊發也。噫。不獨秦隋然也。故極論之。為後世戒也。

明封建論

昔者封建。未嘗不欲大本而抑末。故王畿千里。諸侯百里。使各君其民而食其土。非朝會燕饗。其供不上於天子。蓋其時九州漫漶。其君非其世家。即其勳勞。足以得民類皆強有力。而能有此一方者。非若後世風雲景從之臣。有賴天子之尊顯者也。故

土地兵民錢穀不得不悉畀委之。既畀委之矣。曰積月累。漸臻強大。侵陵蠶食。彼此相加。勢不至并吞不止。秦懲其弊。去封建。改郡縣。不使後世有尾大之患。至於二世。天下紛紜。陳涉攘臂。郡縣瓦解。卒莫有如周召之相共和。鄭武之立平王。晉文之復襄王者。始皇立法之敝也。漢高帝懲秦酷盡王諸子。而景帝用晁錯謀削七國。地自是枝葉衰微。王莽竊天物。宗室未有能興一旅加一矢於咸陽者。至二十年後。而世祖起於布衣。則景帝立法之弊也。晉以諸王子為將。出領重鎮。劉曜陷長安。害愍帝。而元帝得以安東將軍即位。建業。唐貞觀中。皇子出為都督刺史。習軍旅。天寶之亂。肅宗得以元帥即位。靈武。議者徒懲七國八王之禍。謂宗室不足崇獎。不亦過哉。明興封十一王。據要害。統兵柄。高帝慮至深遠也。逮成祖起北平。自懲其事。奪諸王兵。設三司以監之。長史之權不及縣貳。昔舜封象於有鼻。則謂之放。今使居一里之宮。絕外內之通。拱手側足。仰餼有司。撤護衛之軍。斷朝請之禮。不敢與聞政事。天下諸侯無罪而等諸放。夫無罪而等諸放。是姜其枝葉而痺其手足也。如謂成祖之制百世可無弊。宣宗朝高煦何以叛於樂安。武宗朝宸濠何以叛於南昌。一王之叛。莫得而禁之。則立法之未盡善也明矣。而其後因之不改。藩封支庶不下十數萬。宣宗之子。插眉樹頰。數游城市。貧者流穴狼狽。乞匄為傭。憲宗初。聽宗庶應制科。崇禎中。詔

自將軍中尉下許換授吏任亦可謂善矣而諸親郡王單弱如族劇賊突興束手罹禍可勝痛哉一日緩急求為晉元唐肅不可得矣夫封建同姓非為恩也以自固也而以自錮悲夫

阮嗣宗詠懷詩註自序

魏人阮籍字嗣宗陳留尉氏人少有濟世大志太尉將濟辟之不應濟怒乃就職旋謝病歸後復為尚書郎又以病免曹爽輔政召為參軍辭以疾司馬懿為太傅受顧命辟籍為從事中郎懿卒師輔政復為大司馬從事昭繼師求出為東平相旬日而還復引為大將軍從事中郎己改步兵校尉籍以世亂逃於酒為放誕之行禮法士疾之如讐司馬師保護得不死嘗為詠懷詩八十二章自有五言未嘗如是之多蓋始籍也疾奸雄弔禍亂流連反覆得小雅離騷之義焉先儒謂籍在晉文代慮禍亂喻託廣遠指趣難究於戲是烏知籍哉籍魏臣不可曰在晉文代也或曰曹丕篡漢司馬亦將篡魏何負於不當是時蜀漢在籍不悲漢而悲魏何也曰籍始終魏臣也按籍景元四年冬卒年五十四然則生於建安十五年曹丕篡漢籍甫十歲父瑤為魏丞相掾受恩久籍未知往事故曰始終魏臣也孟子曰不知其人可乎是以論其世也籍故深被司馬氏知世傳其代廷臣作請九錫奏恐非出於籍也即信有之其

國朝文匯

卷九

四

國學扶輪社印

周旋避禍心亦苦矣然而鍾會問時事沈醉不答未嘗為伐蜀畫一策世又傳籍為鄭冲勸晉王牋乃有曰自是以來功薄而賞厚者不可勝數曰自先相國以來輔翼魏室末則曰臨蒼洲登箕山以諷之是勸退之文也以是觀之使籍得棘國與司馬氏不兩立皎焉可見魏末之有籍如漢末之孔融然而融蹈壯趾之凶而籍得明哲之義是尤賢也其詩顏延之有註不傳後無復說者友人汪衡篤學尚友曰曷注諸景星唯唯退而六晨夕卒業於戲古人往矣不相質矣論其世爾已未通者仍俟後之君子

送倪玉繩序

日猶熱也月猶滄也風猶是豪豪蕭蕭水猶是滔滔也峙者山也方而下者趾也噬嗑者齒也便溺者二孔也無有異而至言市朝風尚輒曰彼時此時雖號賢有智之人不能無變則何也噫可慨矣然而善觀變者于其時而善觀人者于其變崇禎十四年六月上繫蔡奕琛奕琛言去夏六月臣同邑諸生倪襄贊於庶士張溥之門歸語縣令丁煌言溥大有力立可禍福人溥結黨聲援陰握陛下黜陟之柄上震怒逮問煌煌詔下襄獄是時溥已卒公論伸溥上用御史劉熙祚言取溥所著書覽而善之因遍閱溥諸弟子姓名襄適從獄上書上廷鞠曰襄何罪且善文其赦襄襄感

泣誓以死報帝既殉社稷襄書生無可死徒步走留都禮部請試七省流寓貢士而襄以夏邑籍舉第五人為選吏始襄裘馬交游佳公子也聲名籍起為名下士無何詔獄囚既出折節礪行期立功名報天子而今則寄食江湖與余別八年矣遇于虎林幾不識為故人疑其黃冠也既而相與太息字之曰玉繩君安往曰吾將挈妻子鹿門吳市終吾世焉計玉繩生平五變為佳公子為名士為詔獄囚為選吏今布衣長往其不盡時之變之與其時之變之與此者海波飛立颶風吹山作平地大江白浪搖天九首四翼三足之怪出沒君慎無往上虞君之故鄉重巖遠壑可以觀草樹之蕃落閱候物之遷化悟陰陽之消長蚤息而晏起飽食而安漉毋登東山弔謝傅母涉覆危悲康樂毋南望大海想徐福之神仙毋西眺會稽思句踐之甲楯吾聞鳳鳴王京之洞真仙往來雲鬢雪肌晨肇柏碩所未遇子其往焉吾與子之故人吳公超在日寒月熱風絕海竭緇鱗弭髯母為豫且得子是舉酒三歌以送之

東山小隱記

江夏黃鵠山在會城中東西亘數里起伏蟠蛇俗稱蛇山其中峯峯皆曰高觀高觀在黃鵠磯東故又名東山而磯西出于江有黃鶴樓世傳仙人呂崇橘潘盡鶴事引崔司勳詩為據司勳開元先輩而呂渭之孫嵩會昌中舉進士不第司勳詩不應指

呂唐圖經乘鶴者費文禔梁任昉記本謂荀叔璿舉不足辨獨是山雄峙為會城之望必有名流鉅公與山相資不朽而世俗謠傳山靈不受也康熙庚申石城徐子星登覽此山隳磴而上身漸高則隔江羣峯隨肩領踊出北見漢沔入於江南顧大湖匯於內目極二三百里顧而樂之是時榛莽柱塞鼪狸之所窟宅茅茨十數落落亂石密條間于是鬻地于民雜荆劇壤因其隆墜相勢疏鑿巖壑既開棟礎斯立初真竹屋數椽名有竹園次第度築漸以宏廣壬戌丁太夫人艱退而讀禮於此其中有堂四曰此山曰桂實曰梅雪曰翠微有臺二曰雪臺曰高觀其高與峯齊向皆埽土碩石疏之得巖壁數丈擁臺如屏有樓三曰即山為寢息之地高者曰半峯小者曰鵲巢其藩屏於右者曰西爽有閣四曰止山曰皆江曰吸江曰空香有亭三曰舫曰秋曰煙半有軒三曰洗梅曰語石曰花影其又因樹為屋曰樹屋公又以匠心為之間或平步而登不知其下有堂也磴折幽邃花樹蓊茂不知屋內有園也諸皆南向對江外八分山眉開如黛長江東下練曳百里金口黃軍浦可指而示也鵲鷗洲為雉堞所蔽惟見褰腰綠草黃鶴樓遠在其右巖僅如髻黃龍寺在左凭欄俯視碧瓦朱甍如小李將軍金碧畫鼓鐘梵響與空香閣相奮其後高嶺多雜木怪石風雨空濤輒欲入雲前為楚藩宮城廢址四面各距數千武自昭王建國歷莊憲康靖端懿

恭八王而止于王華燧。今居民莫敢屋無他樹。四時草色長青。以此隔截。譙樓宮觀。閭井廬舍。望之皆遠在里許外。故憑眺最幽。此其大畧也。總名為東山小隱。而公自為記。讀記則如游壺中。僕以甲子冬。攜兒昌來寓秋亭。飽風雪之觀。有秋亭唱和集。乙丑夏。復攜昌時二子。館於空香閣。與翠微堂相接。堂與閣前皆臺。是時秋水方上。江身漸高。風帆上下。兩岸皆覩。公日以詩相挑。每清宵坐月。繩牀各據。漏下三鼓。視城中燈火盡滅。天河奕奕近人。公口占筆授。亦都為一集。按宋陸游入蜀記云。黃鶴山一名石城山。而公鍾英石城。海內稱石城先生。此山名適合。山舊有元規樓。奇章臺。今莫能問。豈非往蹟留傳之久。必以其人為重哉。張子石虹有東山小隱賦。而僕為之補記。且述黃鶴所繇名。用告後之志斯地者。毋踵神仙悠謬之譌。而以山資公以公傳山。山靈斯受矣。

蘄守唐世炤傳

唐世炤字伯聞。廣西灌陽人。舉鄉試。崇禎六年知蘄州。七年流寇犯境。募壯勇積倉粟。占相江山形勢。戰守之地。諸少年竊笑。而世炤益急。城東一里有古渡。曰白馬。久為隄。掘之。合兩湖水。架十丈木橋。寇至則撤。城北五里曰逆水溝。掘湖不及江者五丈。為敵樓塞之。築長垣以繚之。西北亦築長垣。連遷於江西南。築女城為門二。曰鳳

山曰龍磯兩湖既通一水濫澍園亭畫舫煙火絃歌相望十里八年春寇犯境諸縣閉城塞道路惟斬納鄉村隣境數萬人九年秋寇破廣濟世炤督精勇三百去城東三十里而營夜半潛馳入城邏卒皆睡忽擊鼓坐衙執邏者曰汝不見一馬兵入城耶答之與一人符券曰疾馳與某隊長曉至營見世炤方坐啜粥則又答之曰汝何後或時偵得賊所率健卒往襲輒獲首級婦女牛馬器械而還時巨寇在外三月城中宴然諸少年游遨酣飲曰何此老偉儻至是世炤聞罵曰止恐後來患此偉儻耳十年秋總督熊文燦擊降賊遇斬荆王具酒食張樂召賊首飲欲與後宮觀其狀貌左右諫不聽世炤衣錦袍環甲佩刀選精勇百盛飾鼓弓朋矢舉牛酒釐鞭滾牌緣竿硝火諸戲俱入曰身是唐某聞殿下宴無以為樂諸兒有小技願獻之王大喜即令走馬射錢拍張角觥世炤親射殺林中一鹿炙而分啗之周旋竟日而罷在斬七年八禦勅賊以勞嘔血卒長不六尺目光雷照口微曷而善談笑卒後有某守催科甚橫衛軍借漕事入民間搜索淫子女有鄉大夫輸緩躲而械之船中時大旱疫諸少年乞匄枕藉於路十六年正月張獻忠遂陷蘄州進陷蕪水黃州漢陽武昌皆屠之顧景星曰崇禎七年秦寇初渡河張獻忠始為營長八年偽稱八大王十年總兵左良玉破之獻忠窮迫投文燦文燦請許獻忠屯穀城授以官九月與諸賊首老回

回一丈青等十餘營從文燦過斬止關廂時子年十六為唐侯所知入謁唐侯曰熊公不得死所矣侯驚顧曰郎何妄言對曰張獻忠最狡很好殺必為後患赦諸賊首立斬獻忠大軍所駐眾未必敢變也諸賊本不相統一惟宜厚其餼賞分諸總兵麾下令建功然後授官今遽授官且不可奈何許授地昔王仙芝出入蘄黃蘄黃刺史裴渥為賊求官約罷兵仙芝與黃巢詣渥詔拜仙芝左神策軍押衙巢窺朝廷怯弱又怒爵不及己擊仙芝仙芝亦叛劫蘄州渥走賊勢始不可制事今疑與類聞荆王召見諸賊恐矚虛實且有以示之侯變色曰善促裝具入王邸明年獻忠果叛屠穀城上怒斬文燦

### 梅岸汪公家傳

公諱繼昌字徵五號梅岸先世自唐越國公至宋祕書丞叔敖支庶繁始析居于孰曾祖德潤明周王審理祖起莘為曆丙子舉於鄉父然明先生諱汝謙以詩文名天下好施樂善折節賢豪屢辟不出耽西湖山水遂卜居慕陵甫里陶水仙之風為方舟湖中植花石藥欄酒壚茶竈書度笙牀名不繫園三竺譚經西泠延妓四方名士集無虛日縱心條暢數十年舉子女六梅岸其季也然明弟仲方無子起莘命以為後垂髫補嘉興弟子員食廩餼順治戊子領鄉薦己丑成進士方是時西粵新入版

圖

上重守牧之選以公為瓊州守旋授廣西左江叅議伏莽鯁塞二年而後達是時左江烽火千里撫卹反側招徠調贍軍民大悅李定國全軍壓境定藩檄援蒼梧先此左江所隸州縣官未赴任者俱聚南甯倉猝無船徬徨相向公自沈其裝招輕舟共濟時鎮兵跋扈餉匱定藩急命輓輸于東粵餉至而梧州失公收兵救梧而桂林已破會禁軍至隨恢復諸城甲午洪經畧聞其忠勤檄至幕下董軍儲乙未春數夢父病涕泣五請得給假歸然明果時時病猶得半載承歡沒而含斂無憾悉以田園舟楫尊彝書畫讓之諸兄獨處一廬請終三年之制經畧謂禮宜降服不許因墨哀從戎丁酉春補湖廣按察司副使備兵下江駐蘄州江防之有憲使自明嘉靖始當文安賊蹂躪之後荆王請得憲臣督兵護藩邸故其職掌漢黃二郡旁轄直隸之安慶河南之汝甯江西之九江地開方萬里城則三十有八守令衛所帶甲跼韋之士仰令麾下公至以民間戶婚田土悉歸有司唯簡鍊防禦察奸固圉為己任遠境利害必詳求之制祿外一錢不入城中士子寥寥具酒食延課文清學田出俸錢以獎誘之嘗擯導從問民疾苦登覽名勝引鴈賦詩不能委蛇上官或諷之弗改也是歲冬盡征滇大兵過蘄黃挽纜除道徵民夫千例戶出一人蘄城纔數百家少驚則鳥獸

散公哀愁徊徨減其數而大猶夜吠不止將軍揚帆直上竟不持一摯野艇迎於九江黃龍乘風江濤鼓薄艇權稍遲乃以微夫不足迎送不恭傳言責讓遂絰彈章或勸委遇有司猶可回轅公曰有司奚罪彼屬意於我耳越月被逮郡老幼奔號曰仁公以吾曹累何處呼問公曰父老無憂

天子聖神吾當與父老再見於此衆持筐酒送二百里外閭閻嘆息之聲兩月不絕上果寬宥削官放歸父老子弟復迎二百里外既解官浮家漢上絕口不談時務布袍盛槎往來山水酷嗜書集古金石文日仿數紙長於尺牘並工詩不以示人居漢濱二十二年而門無雜客數還武林省墓念黃鸝晴川輒復來楚癸亥十月小疾長君文孫朝夕侍卒之夕命童子扶掖登樓笑顧長君吾生平懷然諾而快施與以故畧無玩好聲伎身歿之後惟此廳前樓下補花木數株表老夫未展之興其通邁如此年六十七

顧生曰余嘗在金壇張先生公亮為予言西湖汪然明隱德君子子徵五雋才也他日宜與友後余在武林得交然明先生及公持節來楚述張先生言顧即才子他日常與為友以故相得其歡竹邇州廬屏騎過訪坐必終日或過離外輒止導呵曰毋驚幽人之夢也癸亥十月聞公訃設位哭而悠父老聞之皆哭蓋公之立德在消民

夫公之去位即繇于立德嗟夫有是夫陽城元結不底於勸蘇公刺暴視人罔極公固嘿然公子為公狀亦避不書是固然矣烏可泯焉康熙乙丑九月七日景星追述為之傳。

甯都尹宋公家傳

故江西甯都尹宋公諱必達字具在其先江右遷楚自明經文衡公下皆為黃州人公幼異慧四歲就塾八歲詩書易皆上口九歲居母孟太孺人喪哀禮如成人十六補弟子員十八受室於程氏事父席上公偕有孝名避亂寓武昌張獻忠陷武昌驅男女老幼數十萬入于江公扶父挈程先從城闌水竄出無所往亦自投磯下有片板承載流至陽邏岸上人從洄湍中投篙起之是時浮屍蔽江鮮有活者人以為獨公孝感所致無以資生教村童小學奉席上公甘旨席上公卒周身周棺無憾順治甲午鄉舉辛丑進士知甯都以循良治瘠邑邑有清泰懷德二鄉土寇屯聚死徙荒蕪公請盡蠲通賦招流亡貸牛種二歲桑麻彌望甯治瀕河夏雨決口水澤逾三版灌城中跣詣神廟為文禱禱食頃水落循故道而去按行壕上知歲久壅淤且多隱占據縣志疏濬之四月而工成廣七丈深半之引河通舟楫東西跨二石梁車可方軌自是邑免水患是役也鐫下白骨籍籍望前代刀兵棄骸作巨坎十數以瘞祭而

碑之使後人毋復廬井其上也。自新建伯治兵甯都有南北二城。南民北兵。公曰。古者藏兵於農。有團練保甲弓弩社。奈何餉甲士而惰壯夫。一旦不虞。分守乎。合禦乎。甚不便。昔新建之勦宸濠也。守令各領兵刑珣出賴城。王冕出萬安。王天與出甯都。強半保甲義勇。是法其意。練義勇。甲寅夏。閩亂作。而甯都已。有義勇二千。成一軍矣。賊前鋒突至。北城營將劉請議事。而南城民雲集馬首曰。公毋往。恐不測。公曰。豈有文武嫌猜。軍民疑亂。而可以禦敵者乎。策馬馳赴。甫揖坐。劉曰。餉援不繼。眾寡勢殊。令君云何。公曰。今日之事。且堅守。人臣之義。有死無二。賊本烏合。可一鼓而破。劉曰。公言是也。我前太守。公曰。戰氣也。語曰。禽制在氣。公前我繼之。劉率所部亂流以勦。斃十數人。賊少卻。公揮義勇橫擊。大敗之。方是時。鄰郡邑多陷。羽書不通。賊全軍集城下。號六萬。巨礮墮雉堞。隨墮。隨壘。會都督許公援師至。賊解去。有管中軍者。言於巡撫中丞曰。甯都各堡皆多從賊。請發四協官兵接撲。以威眾。中丞許之。仍取縣令結狀。公曰。賊勢猖獗。非無一二脅從。今又以脅驅去。其坐家保妻子者。皆良民。若殺以示威。某一官可棄。七尺可捐。此結不可出也。四協以業經調發。決難回軍。公刺血上書。中丞感動。檄軍還。事小定。鞠逆案首犯。稱彭榮實教我彭榮者。邑之諸生。曾與縣役訟語侵令。犯者疑令銜之。冀嫁禍脫罪。公怒曰。天道神明。安可枉也。不問。

榮論犯者如法汀師凱旋公出犒聞婦女悲歎聲隨傾囊解衣表計口贖之詢籍里姓名命老押牙送其家甯人建祠祝釐碑紀其事始公治甯邑鹽政甯人便之明初賴食淮鹽新建改食粵其後苦銷引之累公請以粵額增淮額則商民皆便三上中丞書獲允蓋與新建先後補救無異義乃卒以粵引帶銷不及額歸咎免官甯人哭而送之餞貽皆不受路饒間道出豫章賊邏獲送其渠魁脅以兵公瞋目大罵我天朝清白吏從汝鼠子叛逆耶賊分桔僕從而繫公於空屋斷飲食恐喝不降當燒死公齧指書壁人生誰百年彭殤同一轍惟此徑寸丹不共洪鍾滅守者竊供飯蔬曰此民所自食公食民食無傷也繫旬有七日忽夜半踰垣排闥持兵杖者數十人曰宋爺安在我等皆甯民並僕從擁而去潛行達南昌方伯姚公驚喜曰公以至誠出於坎窞豈易易哉具舟送歸黃時江督董公移鎮楚以舊屬往謁董公曰宋必達是死守孤城之甯都令耶不軍功顯而離政罷吾過矣握手淚下曰吾茲以君咨內部先還故職徐俟優敘可乎公辭謝再三既受咨無行意或問之公曰故吏如棄婦忍自衛乎卒不行所居臨臯江游茅屋一區确田一頃褐衣補紩與農牧遊顧喜著述有古文辭若干卷考終之年六十有三崇祀鄉賢子庶常敏求哀經及草堂曰小子竊惟先人志墓之文將在地而傳則在於家行于國為史乘之所采信敢再拜以

請參先生其勿辭駁。啟景星之友於公三十年餘矣。恐不敘公昭昭之行而以例辭。遂拜受其狀為公傳。期以傳信。故辭無溢焉。

賣紙翁傳

士之處亂世。甘肥遯潔已而考終。必有名以處此。夫肥遯逃名。惟恐不遠。今曰必有名以處何耶。君子可逃名。而不可令人不能名。不能名者。惟老聃。然而以桂下名。蒙莊老聃之流也。而以漆園名。儀封石門。不名其名。而以儀封石門名。毛公薛公。儀石之流也。不名其名。而以博徒賣漿名。梅福毛薛之流也。而以市卒名。其次或以一藝一事名。陶安公以冶名。沮溺以耕名。陶朱以貨殖名。韓康臺佟以賣藥名。嚴遵以卜名。許陽以巫名。申屠蟠以漆工名。梁鴻夏馥以傭名。馬瑤以兔置名。姜岐以蜂豕名。宋勝之以牧名。尸鄉翁以呪雞名。朱桃椎以相屨名。又其次以癖名。邱訢名傲。顧凱之名癡。其下不得其名。而因自為名。高鳳自名為貧。王烈自名為販。劉伶阮籍。哇夸王績。陶潛之徒。自名為酒。又其下至以疾辱名。閻跂支離。疏以形廢名者也。陸通以髡狂名者也。皇甫謐以風痺名者也。費貽以癩名者也。任永馮信以青盲名者也。仲長子先以瘖名者也。是皆豪傑者。逃名之至。而保名之固也。凡此不勝數。彼夫孔融。補衡。嵇康。志本遁世者。而遭禍若此。豈非無名以處此哉。賣紙翁則今以販名者也。

應舉不第。為游俠。晚年折節讀書。能說古今治亂。辨人品。嗜酒。與市僧伍。或物色之。輒不應。曰。我賣紙翁也。非所謂必有名以處此者耶。有名處此。則知名可也。知名為誰。儲子稠若也。羅州人。與子善。

吳隱君贊

并序

吳隱君威克者。孝子也。父華元。以誠懇交于士大夫。崇禎末。有丁員外郎奉詔采銅黔。蜀與華元善。挈俱往。病卒於黔。山聞至。威克年甫十八。麻衣芒屨。辭家遠奔。行次潯陽。值左良玉敗于賊。舳舨相銜。沿江殺掠。威克不得進。甲申六月。南都李博士頒詔往蜀。威克從之。張獻忠既屠楚。犯蜀。黔粵滇雲皆震動。督師李若星駐偏橋衛。扼五省要害。將軍方國安屯常德府。殘破後。涉江乏渡。一翁挈小舟至。熟視曰。子何為者。抑似重有哀者。子將何之。威克泣曰。僕敝人。籍居儀真。將求父隱于黔。失路。恐客死。不得與父隱相見。翁曰。毋悲。老夫方將軍幕客也。可隨吾行。至常德。以屬副將王某。抵偏橋。距黔尚六七百里。王曰。前此不能相伴。伴矣。地險多苗。其慎之。威克泣別。所過萬山矗立。有狡無難。狔狖乘亂截劫。遇棺輒疑藏金。必破之。威克叩頭流血。得免。掠衣糧。繫錮。夜逸去。跣走十五日。抵貴陽。見親匿。擗踊氣絕。經日始蘇。徐乞募昇夫。跪而告曰。吾曹遭斯亂。姑同寸進。覓食。眾曰。吾曹感君誠孝。忍不助力。于是取遵義。

山中間道無煙火。拾糧粟充食。晝則同衆昇棺。夜則相與擁肩露坐達旦。二十晝夜至漢陽。乙酉三月。抵金陵。以世亂不用術家言。竟渴葬焉。嗚呼吳君。可謂孝矣。汪甯史君代為其子孝廉募文以紀予感。史君言。節錄大端。嗚呼。其亦可以傳矣夫。

贊曰。嗚呼。隱君吳氏之孝。亶其然乎。求觀萬里。返葬九京。丁鶴年之求黃沙之骨。馬伯康之卻青鳥之經。智足以達理。勇足以輔仁。跡厥生平。義亦足稱。可以焚樊君雲之券。散折伯式之財。而亦不諱夫操術之奇贏。懿軌善行。詳載於諸公之文。吾蓋未識其子。而樂聞夫吾友云。

武庚論

朱一是

今夫取人國殺人父欲其子北面事讐其子必庸闇姘弱無人情者如安樂公陳留王輩乃可也否則墮亡國之淚大復讐之義苟乘瑕釁鼓動拔起成爲復興之少康敗爲誅死之武庚雖幸不幸殊焉感憤蓄志一也余觀武庚固人傑也何傑乎周之國殷而封武庚也疑而設監固知武庚非庸人矣監不他使使管若霍若蔡亦以三叔之才能制武庚爾卒也監之而適以輔之張義旗倡大難危周室焉夫以三叔之才親成王叔父周公之兄及弟也乃疑其親背其君而輔武庚則武庚實能移三叔之心所以致其然者蓋有術矣雖有周親不如仁人殷之所以亡周之所以興也今周之周親反爲殷輔武庚非善閭敵而用其才者耶且殷之餘民頑之不辭遽之不悔雖武庚已死其風不變乃分爲二而散處焉武庚又得民心者耶得民心仁也用敵才智也幹父蠱孝也大復讐勇也以仁智孝勇之才稱兵西嚮爲其所欲爲動搖周室豈苟焉而已耶使周無成王爲之君周公爲之相則武庚之所爲必成惜也君臣之間不爲流言所敗卒勝武庚而三叔或殺或放餘民分而遷之是天之祚周亡殷武庚遭逢之不幸也然其謀自老其氣自雄即見商三宗于地下其心可以無愧矣武庚歿乃封微子于宋備三恪其後白馬來賓隱忍傷痛以存殷祀此惟微子能

之而武庚不能也。蓋微子存仁聖之心。武庚具英雄之略。仁聖達乎天命以自解。英雄發乎人情有所不能制以存祀論。則微子是而武庚非。以復讐論。則武庚所見者大所執者正。欲其隱忍為微子。大拂情而不願也。嗚呼。豈非人傑哉。此微子所以列為仁。武庚不失其武。歟。

蘇秦論

世祿升而降。數百年一變也。昔周之衰。王政不綱。諸侯自擅。篡亂萌析。苟無人焉起而匡之。不可以久。其勢必趨于霸。霸之議實自管子。春秋之後。會盟既弛。唯務爭戰。秦為最強。強而無以抗之。亦不可久。其勢又趨于合。從定從之約。實自蘇秦。向使春秋而無管子。齊桓不霸。齊桓不霸。天子之勢分。周且速亡。使戰國而無蘇秦。六國不合。從六國不合。從天下之勢一。秦且速亡。周不速亡。秦不速亡。雖期運固。然操其機而轉之者。二人之為也。故管子以後霸者不一。求諸侯以主中原。其說皆本齊桓。不則通齊桓之遺意而用之也。是春秋以管子終始也。蘇秦以後傾危之士不一。合與國以抗秦。其說皆宗從約。不則破從約之說而為連衡也。是戰國以蘇秦終始也。嗚呼。蘇秦非管子以後一人哉。唯蘇秦之才劣于管子。管子之功成而令終。蘇秦能發不能收。及身而從約敗。然其立說之始。六國震而矜之。敬以國從秦。且不敢窺函。

谷者十五年。皇皇乎求破其從而不得。以為其說行。未可得志于關東諸侯也。使關東諸侯堅守秦說而不變。不入朝。不割地。秦攻一國。五國救之。以五倍之地十倍之卒。同力西嚮。雖虎狼之秦。閉關自守之不暇。安能蠶食并兼。舉六王。一四海哉。六國不能卒用秦。又不卒用秦之說。以及于亡用秦者之罪。非秦罪也。秦始皇之時。天下之勢已在秦矣。尉繚猶謂秦王曰。以秦之強。諸侯譬如郡縣之君。但恐諸侯合從。翕而出。不意此乃智伯夫差湣王之所以亡也。李斯亦曰。諸侯復相聚約從。雖有黃帝之賢不能并。繇此觀之。則合從之為秦畏亦甚矣。況定從之始乎。古之君子。若伊尹太公。方略素定。淮陰侯初見漢王。數言而決。楚漢之雄雌。諸葛武侯隆中。亦數言而定。三分之形勢。皆若揣摩素成。出諸其懷而與之者。秦雖傾危。辨士非伊呂淮陰武侯之儔。然其揣摩所為六國從約以抗秦者。自其閉室不出。屈首受書。而識氣機之從來矣。人烏可以廢學哉。秦志在富貴。居燕多機行。卒以反間死。太史公惜其獨蒙惡聲。然則秦何足論耶。蘇洵曰。蘇秦張儀取其術不取其心也。

### 張良論

今夫有蓋世之略者。必成蓋世之功。然使徒以其略則功之成也。亦僅矣。古之大人所以成功者。獨有其用心之處。發之也有為。成之也無憾。不在乎區區之功。其君不

得以功畜之人亦不得以建功之士小之三代以下莫如子房子房之功漢與蕭何韓信比而為三傑然吾不敢謂子房僅漢之功臣也夫子房所以用心之處凡以為韓報讐也大父父五世相韓韓破子房散家財求客刺秦王博浪狙擊擊雖不中以折始皇暴強之氣大索十日而天下皆震動者何哉其忠君孝親之大義固有以激發之與感憤睚眦者異也秦滅韓子房借楚漢之力以報之楚滅韓王成子房之讐楚猶讐秦也又借漢之力以報之五年之間秦而楚楚而漢亡忽興勃俱若為子房報讐而成其忠君孝親之志而子房之願畢矣若夫爵賞其餘事也于是辭三萬戶之封而託之乎病道引辟穀杜門不出嗟乎此豈蕭何韓信所得比其傑歟蓋蕭何韓信之徒志在乎居功者也志在乎居功故爭功而愈見其不足子房志不在乎居功者也志不在乎居功而在乎報讐故卻功而愈見其有餘爭功而不足者功重則人輕帝得以高爵厚祿制其命稍有瑕釁即不免于禍卻功而有餘者功輕則人重帝即欲爵祿之而起然不受也赤松黃石之與遊類神仙鬼物之不可測可得而禍之乎故當是時蕭何韓信之徒皆為高帝用者也若子房則用高帝者也高帝名為用子房適以成子房之志子房實能用高帝而不居高帝之功五年之間所謂秦而楚楚而漢亡忽興勃者非子房之功漢漢之功子房也其量恢恢乎有餘于高帝

矣。且呂后悍婦人也。高帝殺功臣。后實為之。而獨于子房有加禮。其辟穀也。強之食。雖以太子故。德子房歟。抑亦素所蓄積。超然不受功者。有以折后之心哉。後世惟唐鄭侯得子房輕功之意。以白衣事肅宗。故張良姊亦不能害。可謂善學子房歟。若魏崔浩。自比子房。而卒至于殺身。則所以居成者非矣。

### 李泌論

李泌佐肅宗。遇太早。功太奇。歷四世而事德宗。相業又為唐稱首。可謂善始善終。人臣之極則矣。然泌當時屢譏畏譏。若不能一日安其身而求退者。何語曰。惟女子與小人難養也。二者相比。構宮庭骨肉之變。而深嫉正人君子。正人君子嘗束手結舌。而不敢救。故人主治天下有大患。而寇賊兵荒之事不與焉。譬人之有病。寇賊兵荒。病在表者也。骨肉之變。病在裏者也。正人君子治病之良醫也。病在表者。風濕食飲之為虐。為之驅邪蘇熱。效即以奏。病在裏者。其毒發于肺臟。腠理攻之。既不能順之。又不可。且有女子小人為二豎。根據于膏肓之內。雖良醫望之而卻走矣。是故李泌不難于定建武之亂。佐貞元之治。而獨難于爭廣平建甯順宗之蒙讎。卒也建甯不可救。而廣平順宗尚賴保全。國本搖而復定。國勢危而復安。是泌之于唐。智過扁淳。功同續命也。然而處此蓋亦危矣。肅宗與泌布衣交也。泌事德宗三世之勳臣也。二

宗皆共事于患難。父莫親于布衣。望莫隆于三世勳臣。義莫切于共事患難。何嫌何疑。宜無不盡言者。然泌不敢言建甯也。身將去而始言。廣平曰。陛下不辦殺臣。故臣得以求去。若既辦殺臣。臣安得言。其爭太子舒王事也。德宗曰。卿違朕意。何不自愛家族耶。泌亦以家族保太子。歸謂子弟曰。吾本不樂富貴。而命與願違。今累汝曹矣。然則泌爭人主之骨肉。蓋已幾乎殺身亡家而始克濟也。夫人臣事主而幾乎殺身亡家。則凡守明哲之戒。有全軀保妻子之念者。必不出此矣。國事尚可為哉。漢高英主也。張良心腹之臣也。高帝欲易太子。叔孫通周昌爭之而不得。張良爭之而僅得。然必借援于四皓。婉轉措置。乃回高帝之意。其用心之苦。正與泌等。吾觀古之學神仙黃老者。惟良與泌。皇皇然身當求退而輕富貴焉。惟輕富貴。斯人主見諒。而女子小人之忌也。亦不深。故言人之所不言。獲免于禍。是良之杜門辟穀。泌之結廬衡山。乃避禍之狡窟也。宣真神仙。黃老希出世也。哉。後之人主。無張良李泌之臣。輕用女子小人。致有骨肉之變。如周幽王。晉獻公。隋文帝之屬。紛紛而莫救。亦可悲矣。

### 李德裕論

唐季以牛李分黨。宋蘇轍諸人謂牛以德度勝。李以才氣勝。並有瑕瑜焉。自我觀之。其相去也遠甚。蓋僧儒者無識之庸流。德裕者經世之名佐也。僧孺之黨。若李宗閔。

李逢吉之徒皆險嫉媚。大病于國。而德裕之黨若裴晉公。則國之勳臣。社稷恃以安危者也。僧孺之行事如策幽州。則勸安撫。策維州。則主卻地。惟託于鎮靜。以無事為安。而德裕則果敢有為。出為方鎮。入為宰相。經營措置。皆足以彊主而振國也。唐之衰也。衰于藩鎮之驕。不奉天子命令。當是時。使無裴度。李德裕父子為之。相以奮威。增重於朝廷。則積漸而往。其不為東周之守府也。幾希矣。君臣相得。自古難之。武宗之任德裕。雖齊桓相管仲。不是過也。德裕亦以管仲之術教武宗。其引仲言曰。瑟琴笙芋。弋獵馳騁。非害霸。惟知人不能舉。舉而不能任。任而又雜以小人。害霸也。于是武宗信之專。任之重。言從計行。討澤潞。及回鶻。六年之內。王室幾中興。使天祚唐季。假武宗以年。而德裕前不小用于節使。後不推折于貶竄。并一生之精神才智。盡攻于政府區畫。將藩鎮盡革。外攘內安。不難復貞觀開元之盛。豈建武以後可幾及哉。無如小人進讒。不竟其用。六年奏治。如隙日之光。陰靈即蔽。使不重明。人之云亡。唐以殄瘁。深可悼也。當文宗之朝。牛李之爭者。莫大于維州。夫維州。唐故土也。代宗時。陷入吐蕃。羣衆盡銳攻之。而不能返。及德裕扼險制勝。西南二邊寢懼。悉怛謀始。歸命以城降。此百世之偉功。豈納叛哉。僧孺必欲以我故土。予吐蕃。是割肉飼禽獸。而自以為仁也。且納叛與復土。其義有別。春秋邾庶其以漆閭。邱歸魯。魯卒夷。以年。

要防茲歸魯則並書其來奔。不予納叛也。謹聞則書歸。鄆謹龜陰則書來歸。子復土也。然則維州之歸其為春秋所予也明矣。議者乃謂卻維州以後吐蕃不為邊患者終唐世。以是予僧孺。夫漢唐戎狄之盛衰嘗與中國相終始。漢武帝以前中國全盛匈奴亦強。元成之季漸以微矣。唐之邊患自高祖太宗迄于憲文無代無之。而厥後亦不復振。蓋威衰氣運固然。謂區區一卻悉恒謀叛服不常之吐蕃遂能永世而守信。此嬰兒婦人之見。黨人借以為飾罪。君子不之信也。

建文忠臣補傳

建文帝之變致命諸臣何其盛也。往往逸紀載外。余過維揚獲聞張給諫遺事。廩廩然可敬也。節豈下方鐵哉。急書以備史官採擇焉。按張名德字仲敬丹徒人。建文元年以大臣薦詔試禮部。授右軍都督府斷事。上治安五策。守祖訓謹用舍。安宗藩興教化。詰戎兵。頗切直。冬使甯夏圖三邊形勢歸獻。是時諸王強盛大臣憂之。建議削弱德抗言古者封建所以藩王室也。即地踰古制宜裁以禮。若因細人告變動搖宗室使人自危非社稷之福。疏入不省。燕師起德復上書言漢吳王濞之禍成於鼂錯後用三十六將軍竭天下之力爭之七國雖平。漢益重困。唐昭宗詔誅李茂貞杜讓能以天子近臣伏人刺刃而莫禁。今治兵無鼂錯之才料事無讓能之智徒使國

家踵漢唐之禍。而諸侯有吳岐之謀。此微臣所日夜痛心而泣血也。未幾威庸出師。朝命遂改德戶科給事使犒師。德至東昌。以忠義勉將士。軍中皆感激效死。一日遇北兵。督戰殺數十人。會大風沙塵蔽日。師亂。北兵乘之。德馬蹶被執。有識之者曰。此張給事也。見王。王曰。是言遵祖訓。安宗藩者乎。趙釋之。德大呼曰。殿下以諸侯王稱。兵犯闕。為遵祖訓乎。天子應安宗藩。宗藩反欲危天子。縱事成何以入宗廟。見高帝乎。王怒。劍斷其臂。左右刃交下。德死。不仆。軍士咸異之。排牆覆其尸而去。時年四十一。無子。子猶子孟岳。具衣冠葬德。建文帝詔議贈諡。未行。文皇帝即位。榜死臣宗族朝堂。名逆黨。次等行諫。德以陣亡。不入逆籍。族得全。家人避禍。隱其事不言。越二七十年。德族孫九徵稍傳德死事狀云。德嘗與齊尚書秦友善。謂秦曰。公憂諸藩。非為護衛軍乎。遠甯燕谷最強。又近邊。宜用踐更法。遵精銳備邊。其留國中者。都司得以掌尺籍伍符。即不軌。以法繩之。此不戰而解兵之道也。秦曰。照事急奈何。德曰。燕王雄略類太祖。其地金元用此典。誠可慮。今以一軍軍保定。一軍軍永平。徵燕護衛戍守遼東。奉命則已。否則移師蹙之。一北平能抗天下哉。若侯先發。河北震動。諸藩應之。南北自此裂矣。德又與方侍講孝孺書曰。燕師已迫。公宜練兵衛京師。周公誅管蔡。未聞用周官周禮以成破斧之功。其言皆激切云。

論曰智仁勇三者天下之達德張給諫上書建文智也臨敵勇也殺身仁也蓋幾乎兼三德矣或謂建文帝及齊方早用德言無金川門之禍嗚呼其然豈其然乎歷觀漢唐宋不越再世皆有內難殘傷骨肉禍變如此雖百給諫何濟矣

談孺木先生墓誌銘

漢代取士曰賢良方正曰博學宏詞近世孰兼之其談先生孺木乎先生與余生同邑諸生同庠不求聞達以布衣老也同志不幸死矣死一年孝子樸祺社并先生宅之東隅介李子登系以狀來乞文納隧余何忍辭按狀談之先汴人宋建炎初迪功郎肇南渡居臨安四傳徙海甯東林村再徙麻湮之西河世耕讀先生父子庭受讀郡庠母沈氏生吾志繼母俞氏生先生幼穎異舞象補弟子員性獨喜古文辭為時文應制猶古文也用此久不遇稍長益肆力經史百家言尤詳國朝典故嘗曰楊文貞賢人也而於革除多失實徇愛憎以上下其手實錄如此安有定哉於是論次同異成一家言壬午受知鏡山張公為布衣交又因張公交礪齋高公甲申國變金陵擁立高入相張冢宰先生著折角巾褐衣芒鞋遨遊二公間凡新政得失皆咨先生丙夜猶前膝刺刺語相國薦先生辦事中書辭薦入史館又辭或問其故曰余豈以國家之不幸博一官耶已勳寺交扇時事曰非先生從史二公乞骸骨明年張公客

死宣城。高公致命會稽。先生歸麻漣。獨居深念。忽忽如有失。丙戌明經次及棄去。會里中盜起。失著稿盡。先生悲歎曰。余髮種種。覲然視息人間。爲書未傳其人也。今且奈何哉。尋與魏塘錢塞庵相國輯近世實錄。又徧諏諸故家。志復所著。癸巳。受梅麓朱公聘去燕都。甲午八月朔。徒步謁思陵守璫許某。導趨寢陵泣拜。丙申旋里。又附靜園沈公之官平陽。將哭藐山張公於墓門。以疾卒平陽。當是時。先生著稿成之再矣。死從藐山諸公地下遊。何憾然。余謂先生才不止此也。生不逮盛時。入承明廬。給筆札。擅一代之制作。徒窮年借書。誦足疲腕。腐毫穿研。成草莽私志。雖交遊多賢公卿。計行言聽。不免乞升斗依人。可云附青雲邀聲施也哉。至於白首謁思陵。與傷黍離。哭冬青。何異。其後四千里走平陽。雪淚於墓門宿草。又王炎午弔雋成布衣祭忠也。嗚呼。河山風景。人孰無情。若先生者。窮老拂鬱。爲感恩之烈士。失路之恨人。尤可悲也。己先生性孝友。事兄吾志終身無忤色。處己廉不妄取一介。人德於己終不忘壬午小乏。余遺之十金。比余避亂山中。家人構訟。先生戴星出謁友乞排難。曰必報朱君。余後寓梅溪。先生每過相勞苦。余具麥飯必飽食而別。晚年交余厚。稱知己。然呼余但曰契丈。古道猶存。慨世衰誼薄。諳以相尚。先生歿。無復丈余者矣。先生初名以訓。改名遷。卒丁酉十二月十一日。距生萬曆甲午十月十二日。年六十有四。配俞。

氏生三子。樸棋社集先生所著叢林集十二卷。史論二卷。北遊錄八卷。西遊錄二卷。叢林雜俎六卷。叢林外索六卷。海昌誌八卷。及雜著百卷。藏於家。

銘曰。何生之才。何遇之乖。何志之哀。魂千里兮。盍歸來。抑亦從高公。張公。慟哭乎夜臺。

聖學入門書自序

陳瑚

人之所同者心也。心之所同者理也。同此心。同此理。而或不同者。拘於氣質之偏。而  
梏於物欲之累也。氣質物欲不同矣。而可以至於同者。學也。蓋嘗取而譬之。木之生  
也。曲直巨細長短之不齊。然而有齊之者。規矩準繩而已矣。人之生也。智愚賢不肖  
之不齊。然而有齊之者。學而已矣。學也者。為人之規矩準繩也。三代以上。其法大備。  
八歲而入小學。十五而入大學。蓋自王公卿士。以及州閭族黨之俊秀。皆莫不出於  
學。而其所以學者。又莫不出於一。而無百家眾說。雜揉於其間。此治化所以日隆。而  
人材所以獨盛也。吾夫子以匹夫而師天下。從其教者。三千之徒。蓋以衆矣。而其所  
以訓成人。而造小子者。不越乎入孝出弟之數言。與博文約禮之二事。入孝出弟。古  
者小學之法也。博文約禮。古者大學之法也。然則大學小學。豈非為人之規矩準繩。  
而作君作師之所不能外者哉。秦漢而後。下逮五季。其統中絕。宋程朱大儒輩出。始  
尊信聖經。而考訂之。兼輯內則少儀。諸篇。以補小學之闕。然後古人之教法。粲然復  
見。至於今。大小學諸書。家誦戶曉。而課士取人。以此為準。沿習既久。則又僅為口耳  
誦釘之陋習。而毫無當於身心家國之際。殊有悖乎朝廷建立學校。作養人材之盛  
意。嘻。亦可歎矣。愚自崇禎丁丑。始與梓亭陸子寒溪。盛子樂園。江子相約。為遠善政。

過之學時將亭作格致編首提敬天二字窺見千聖心法愚用力此道頗得要領因定為日記孝德法而揭敬勝怠勝於每日之首格致誠正修齊治平於每月之終自是以後同志漸廣旬有旬會月有月會講習切磋多歷年所方且以為絕學可興而古道可復也不意已午之交歲且將饑蝗蝻疫癘民不聊生而轉盼之間更有不忍見聞者矣嗟乎國家之盛衰視其人材之消長人材之消長視其教化之興廢教化興廢之關人心生死之會也人心不死則天地流行而乾坤立人心死則天命不行而乾坤亦幾乎毀矣治亂之故豈非人心為之哉適愚遜跡蔚村朝夕往來得濶上數友而吾輩諸同學往往過而問焉間從虞謬長者遊大約所感歎者世道人心之故所砥礪者道義名節之語始益信人同此心心同此理而人皆可以為堯舜非虛語也乃敢有蓮社之約其一章曰父子有親君臣有義夫婦有別長幼有序朋友有信竊附於呂氏藍田文公白鹿之意以期善相勸過相規然不過大略而已尚未足以暢厥指也不揣固陋復取大學中格致誠正修齊治平之目條分縷析畫為義例俾同人有所遵守而小學則本夫子孝弟數言約其大凡以附其後令遜遊二子亦從事焉合之曰聖學入門畫悲夫天之生此民也使先知覺後知使先覺覺後覺也愚年方四十茫乎未有知覺而道不明德不立晝夜以思為之且懼且恥猶幸得從諸

君子之後竊聞聖學之緒餘而輯為是書願與吾黨兢兢奉行如規矩準繩之不可廢倘有聞吾黨之風振起而昌大之者將人心可以死而復生大道可以晦而復明三代之人材可以絕而復續也不亦千古之一快也哉

得全堂夜讌記

余之倦觀歌舞也十有七年矣客歲館太原王氏其家有伶人張者年七十五能唱大江東曲主人召之為予歌不勝何戡舊人之感今歲庚子夏乘戎馬間從一弟子劍書襍被發虞山過梁溪歷毘陵未方乃渡京口上廣陵復紆迴之楊山折海陵而始至雒皋訪冒子巢民冒子時臥病聞予至急披衣起呼其二公子穀梁青若迎予水繪庵其明日開得全堂延予入酒行樂作予色變起固辭而重違冒子意乃復坐客有稱燕子箋樂府譜自懷甯來者因遂命歌燕子箋迴風舞雪落塵遏雲忽念吾其年秦蕭楊枝諸詞真賞音者也歌未半予避席興揖冒子曰止客問曰何為予曰古人當歌而哭謂不及情然憂從中來竊有所感而不能舍然也昔崇禎壬午予遊維揚維揚者吾師湯公惕庵宦遊地也予與冒子同出公門因得識冒子冒子飾車騎鮮衣裳珠樹瓊花光動左右予嘗驚歎以為神仙中人時四方離亂淮海晏如十二樓之鐙火猶繁二十四橋之明月無恙余寓魯子戴馨家魯子為予置酒亦歌燕

子多。一時與予交者，冒子魯子而外。尚有王子螺山、鄭子天王、諸君皆年少。心壯氣豪，自分掉舌握管，驅馳中原，不可一世。曾幾何時，而江河陵谷，一變至此。顧予來游，計道路所經，為府者四，為州者二，為縣者九，為里一千有二百。為時五十有一日。所見皆馬矢駝塵、黃沙白草。問昔年之故人，死者死而老者老矣。予揚州雜感有曰：春衫夜踏瓊花觀，綺席新歌燕子箋。撫今追昔，能不泣然，而忍復終此曲哉？冒子仰天而歎，已乃顧予而笑曰：君其有感於燕子箋乎？予則更甚，不見梅村祭酒之所以序予者乎？猶憶金陵罵座時，悲壯激昂，奮迅憤懣，或擊案或拊膺，或浮大白，且飲且詬詈。一時伶人皆緩歌停拍，歸告懷甯，而禍且不旋踵至矣。當是時，燕子箋幾殺予。迄於今，懷甯之肉已在晉軍，梨園子弟復更幾主。吾與子尚儂伶，僂寒興黃塵玉樹之悲，動喚字彈劍之怨，謂之幸耶？謂之不幸耶？予之教此童子也，風雨蕭蕭，則以為荆卿之歌；明月不寐，則以為劉琨之笛；及其追維生死，憑弔舊游，則又以為謝翱之竹如意也。余曰：善。冒子遂命卑曲焉。三作三終，盡其技。乃已。月亭午而客始罷去。

## 得全堂夜譚後記

歌燕子箋之日，座上客為誰？余子公佑、錢子季翼、持正、石子夏宗、張子李雅、小雅、宗子喬承、鄧子昭伯、冒子席仲，皆吾師樽瓢趙先生之門生故舊也。談先生遺言往行，

相與歎息。越一日，諸君招予復開樽於得全堂。伶人歌邯鄲夢伶人者，卽樂民所教之童子也。徐郎善歌，楊枝善舞，有秦蕭者，解作哀音，每一發喉，必緩其聲以激之。悲涼倉兄一座歎歔。主人顧予而言曰：嗟乎！人生固如是夢也。今日之會，其在夢中乎？予仰而歎，俛而躊躇久之，乃大言曰：諸君子知臨川先生作此之意乎？臨川當朝廷苟安之運，值執政攬權之時，一時士大夫皆好功名，嗜富貴，如青蠅如鵲鳥，汲汲營營，與邯鄲生何異？嘗憶故老為予言臨川遺事云：江陵欲貴其子，求天下名流以厭羣望，有以轡輪袍故事動臨川者，臨川不受。既過一友家，某亦名士，臨川言之，某色動。臨川曰：欲之耶？某曰：如後日何？臨川曰：果爾，公則有疏，私則有書，可以報相公也。其人果得元，遂以書力諫而去。若臨川者，亦可為狂流之一柱也。其作邯鄲也，義形於外，情發於中，冀欲改末俗之頹風，消斯人之鄙吝，一歌之中，三致意焉。嗚呼！臨川意念遠矣。豈惟臨川古之人皆然？鵲首之剪，翟犬之賜，亦當時君子睦念宗周興懷故國，怪夫強暴如秦，何以一天下？悖逆如趙，何以享晉國？涕之無從，不得已而呼天笑曰：此必醉天為之，此必夢天為之。史臣不察，載之冊間，後人信之，遂為美談。千百年仁人志士之苦心，湮滅盡矣。甚至有借昔人之寓言，助二氏夢幻泡影之說，將使天地間有形有跡之物，大丈夫莫大莫遠之任，一切付之雲飛煙散，酒闌夢覺間，於

戲有是理耶。物之有生必有死也。有始必有終也。二氏畏之而思避之。避之不得。乃設為妄誕之辭。以炫惑當世。吾儒之道。與天地同其健。與日月同其明。與山川草木鳥獸魚龍同其變化。且天賴以成。地賴以平。日月賴以明。山川草木鳥獸魚龍賴以成。若有物必終。有形皆死。而吾道獨無窮極也。其可謬之一夢已耶。今吾與諸君子同游吾師之門。皆有志為古人之學。吾師往矣。而其剛果之氣。挺然不拔之操。尚有能言之者。當與諸君子共勉之。何夢之足云。諸君起謝曰。善。敢不蚤夜以思。從吾子之訓。毋忘今日之盟也。

明太祖不置丞相論

黃侃

天下之事有利必有害。聖人知利害互相倚伏而逆為之所。然後不為害之所乘。而利亦永久而不廢。今夫外戚也。閹寺也。母后臨朝也。有一於此。皆足以亡人之國。後之人主終不能舉三者盡廢之。不過設立禁防。使宦官戚畹後宮之屬不得干預政事。以為保邦遏亂之道如是焉已爾。用人亦然。自公孤以至羣有司。苟其人不肖。皆足以亂天下之政。人主亦惟甄別賢不肖。而未嘗以人之故而併廢其官。廢官而事將不舉。其禍且滋甚也。胡惟庸明之鴛相也。而以逆聞。誅之足矣。何必永廢相職哉。推明祖之意。必謂操莽懿堅之奸。皆挾相權以陰移國祚。故毅然廢之而不疑。此亦強榦弱枝尊君抑臣之遠慮也。雖然。不可為訓。天下治時少而亂時多。長主臨御之日少。而主少國疑之日多。當國家多故。小大沸騰。庶司百職之屬。各以職事上請。人主能盡決之乎。或大將握兵於外。或母后制命於內。或用一人而毀譽雜乘。或舉一政而詛頌互作。人主不自裁決。必且寄耳目於他人。與其黃門女謁倒持太阿。孰若中書省之為可信哉。且其時雖廢丞相。而丞相之職掌必有所歸。洪武十三年罷中書省。特命學士入直。以備顧問。不過翰林五品官耳。仁宣以來。三楊輩承心膂之寄。體勢嚴重。六官之長皆因以決事。嘉隆之際。貪若嵩。忮若拱。專若居正。頗指百僚不

童奴隸無丞相之名而有丞相之實。天子亦何利焉。雖然使閹臣皆賢。如古蕭曹姚宋之屬。而吾亦不得以相臣之效責之。何也。丞相無所不問。而閹臣止司票擬。丞相止一二人。而閹臣或多至數員。司票擬則止於文字之職。而數人為政。則權有所分。故殿閣之官。視六部尚書則暴重。而視司禮監則暴輕。昔者三楊之賢。皆不能彈壓宮中。而其進退或反係中官之喜怒。厥後茶陵之於劉瑾。江陵之於馮保。皆嬖姁洪恣。無所匡救。熹宗之世。璫禍滔天。宮鄰金虎之屬。矯殺大臣而不忌。則罷中書省之效可知已。然則丞相不可廢。而知人其難。安所得賢相而用之。曰卿寺者。儲相之地也。諫官者。儲卿相之地也。昔貞觀時。三品官上殿奏事。皆令諫官隨其後。糾舉得失。及李林甫作相。欲閉言路。遂有仗馬不鳴。一鳴輒斥之喻。說者謂唐之治亂。大約係此。夫有天下者。必使諫官不為宰相之私人。而後天子有所寄其耳目。故擇諫官者。擇宰相之善術也。

鹿樵紀聞序

嗚呼。此書何為而作乎。蓋憫明室之淪喪。歎神州之陸沈。歷敘寇禍。起於戊辰。訖於甲申。倣擾內訌。於十七年中。與思廟相終始者也。書凡十二卷。其一曰鴛首火寇之發難。繇於煇廟時。秦中節鉞大吏。實重黨私人。法紀紊弛。致怨卒飢民。嘯聚羣起。此

寇之始於秦而延於晉也。其二曰澠池水。崇禎初年。其時東國釣者。若烏程韓城之徒。惟門戶是爭。不以封疆為事。謂此弄兵潢池者。特癰疥疾耳。而秦晉之任閭外者。多債帥驕弁。不早定撲滅之計。致寇氛日盛。得渡河而南。實自澠池之破啟之。此寇之熾於豫而蔓於楚也。其三曰真甯。恨寇已流毒中原。屠城殺吏。所至糜爛。馴至焚燬陵寢。東南震動。於是洪公承疇以秦督扼豫楚之中。命將分討。可謂握勝算矣。不幸湫頭鎮王師敗績。大將曹文詔死之。論者所以太息痛恨於真甯也。其四曰朱陽潰。維時與洪公戮力同心者。有楚撫盧公象昇。才智悉敵。忠猷推讓。有皇甫嵩朱雋之風。亡何而尤徐二將不遵節制。師潰於朱陽。函谷天險一朝墮突。此百二河山所以長為賊藪也。其五曰黑水峪之役。生得高迎祥。檻致京師。又屢捷於渭南咸陽。兵威大振。才畧實足辦賊。黑水峪之役。生得高迎祥。檻致京師。又屢捷於渭南咸陽。兵威大振。尋以兵餉掣肘。銳氣銷阻。策馬陷陣。以一死報國。傷哉。自是而武陵相楊嗣昌駁駁用事。此朝廷任人之得失所由分也。其六曰穀房變。武陵時在中樞。而熊文燦為制府。雄唱雌和。務為大言以悅主聽。而動失機宜。僅出招撫之下策。輕受獻賊之降。駕馭無術。復叛穀城。蓋自此縱虎不可復制。而貽後日莫大之害。則文燦為之也。其七曰開縣敗。天子既嚮用武陵。臨軒推轂。畀以督師之任。寵眷雖渥。迄無成功。敗於開

縣僅以身免。而襄陽之破。雒陽之陷。同時報聞。雖欲不仰樂自裁。其可得乎。蓋後此而任事者無人。天下事亦大壞不可為矣。其八曰汴渠壅。中州數百年衣冠文物。悉蕩於黃河之一決。而周藩遂罹其難。其他宗藩被寇之地。先後遇害。最為慘酷。蓋天潢玉牒。幾無噍類矣。其九曰通城擊。紀賊闖之起於米脂。迄犯順關。廷終被山神之冥殛也。其十曰鹽亭誅。紀逆獻之起於虜施。迄僭號蜀中。而卒伏天誅於興朝也。其十一曰九江哀。紀左良玉奮身行伍。受封富南。用兵勝負之本末。而以不戢其下死而抱憾於九江也。蓋同時大將。若黃靖南。劉廣昌。高興。平。劉東平者。兵力之強。俱不如左。其可以當寇者亦惟左。而至於此極。亦可哀也已。其十二曰虞淵沈。分上中下三卷。上則紀災眚怪異。雜見於天人物類。若預有亡國之兆。雖以思宗之焦勞恭儉。而陽九百六卒不能免也。中則紀鼎湖大變。暨殉節諸臣。自都門而秦而晉而豫而楚而蜀。被難之姓字。厯厯可稽也。下則紀閩廣江。北河南諸雜寇。而以淮南四鎮終焉。嗟乎。自戊辰初元以來。大盜移國。廟社為墟。朝野之間。握管紀述者多矣。率近於稗官小說。虛誕不雅馴。未若此書之可徵信也。作者自稱舊史氏。每卷末有總論有附記。其事核而詳。其文練而達。其於人材邪正之關。軍國安危之際。未嘗不三致意也。其曰鹿樵。紀聞者。定哀之際多微詞。危之也。亦隱之也。予於作者舊廁門牆之

未竊窺削毫。頗了大意。自夫已氏取付殺青。或割截篇章。或點竄字句。而作者之志荒矣。予憫夫厲鼎之威行。而後世併真本而棄之也。於是乎書。

### 黃頊傳墓誌銘

順治十年春。隱湖毛子晉招虞選諸名士為文會。諸生中有頊而髯者。予閱其文甚奇。酒間知為黃子頊傳。遂定交。又三年。頊傳授經沙溪。與里中諸子抵掌論文。予以為吾黨中速售者。宜莫如頊傳。而竟不得志。以死死後十餘年。予乃執筆而志其墓。嗚呼悲夫。頊傳名遷。改名祖顯。先世大興人。曾祖某卜居太倉。祖某父某。皆不仕。頊傳少時讀書。一目數行。有聖童之目。時梓亭確庵倡道東南。愛頊傳才。招致門下。頊傳以其間覽河渠食貨之書。通毛鄭京何之學。為文汪洋浩漭。不名一家。西山張公視江南學政。拔頊傳第一。手其卷。謂諸生曰。此子今歲不發解。吾不相士矣。既而頊傳試鎖院不遇。而適有奏銷之事。先是頊傳居太倉。而諸生之籍隸長洲。有富而狡者。借其名以避役。頊傳不知也。及歲試。竟以新例見斥。頊傳訟於有司。有司漫不省。則走之浙。應童子試。學使者金公賞其文。亦真第一。有忌者。毀諸途。頊傳匿絮中以免。時頊傳年四十。遇先妄之災。益憤懣。不自得。乃附舟入都。學士宋公祭酒徐公交口譽之。得入太學。康熙十一年壬子秋闈。頊傳方患痢。簡入試。一日夜暴下數十

次同事者閱其表。文義燦然。字畫遒勁。不知其病且憊也。既出闌卧王顯庵編修寓中。病已不支。至二十二日而絕。或言闌中諸公素重頊傳。欲取冠本底。久之知頊傳病且死。乃易他卷。嗟乎。使頊傳少遲數日之死而得一舉。未必死。即死猶幸身親見之也。秋榜夕以發。頊傳朝以死。彼蒼者天。并其一日之虛名亦靳之。嗚呼。可哀也已。頊傳娶沈氏。生一子。年僅數歲。以某年月卜葬於某阡。銘曰。

孰使子才。孰使子窮。又孰使子年之不豐。彼蒼者天。曷其夢夢。我作銘詞以慰其終。

國朝文匯中前集目錄

卷十

劉獻廷

字君賢，順天大興人，僑吳江。布衣終，有廣陽雜志行世。

林興珠阿克薩之捷

記查如龍劉元初事

記王輔臣事

永愍遺事

記孫延齡

萬斯大

字充宗，浙江鄞縣人，不為科舉之學，湛思諸經，著書甚富。

與張仲嘉論畫像書

駁張仲嘉次子主喪議

承重說

論曾孫不當稱功服書

萬斯同

字石湖，浙江蕭山人，有石湖詩文集行世。

嫂叔無服說

師服議

十五

錢澄之

初名秉鑑字幼光改今名字飲光安徽桐城人明貢生人本朝不出有田間文集

形勢論

十六

田光侯羸論

十七

范增論

十八

平勃論

十九

袁盎龜錯論

二十

容齋集序

二十一

黃檗山居記

二十一

谿默七夕偶集記

二十二

虎邱二姜先生祠記

二十三

陳朗生傳

二十四

文學劉臣向墓表

二十五

國朝文匯甲前集卷十

林興珠阿克薩之捷

劉獻廷

建義侯林興珠本江西南安副將。後陞辰州總鎮。平西兵至。降于周。後在湘潭。涵齋勸之投誠。僞周平。封建義侯。甲子之冬。上在景山召見。語良久。論及火器之利。因問所以禦之者。曰。惟滾被為第一。上問滾被為何物。侯曰。即人家所用之棉被也。上笑曰。是何能為。侯曰。柔能制剛。即因詳言其進退滾閱之法。上頷之。又曰。滾被之外。更有何法。曰。有滾牌。臣家有其器。上立命取。曰。汝家有能用此牌之人否。曰。有數人耳。遽召六人來。于上前舞蹈。上命善射者數人。以電頭射之。數發皆不能中。矢未發。已滾至面前。疾于飛鳥。上大喜。問能用滾牌之人。何方可以召募。得人幾何。可以成一旅。曰。多則一千。少或五百。可以用矣。惟臣鄉漳泉之人。多善此者。煩于閩募之。上曰。此去閩遠。往還非數月不可。今直隸山東河南多臺灣。投誠墾種者。皆閩人。召用之。五百可得也。侯曰。誠如。上諭。遂召募教演。未幾而成。亦未知上之將何用也。至乙丑春夏間。上命往征羅刹國。阿克薩城。羅刹國在極西。絕荒遠。幅員極廣。阿克薩其極東之邊界也。在烏龍江側。與梭倫鄰。柵木為城。一將守之。兵不滿千。其人猛如虎豹。而火器尤利。發無不中。梭倫時被其害。子女參貂搶擄殆

盡梭倫之豹為天下最以羅刹故不得時言且數以羅刹之過上訴上既平三藩未嘗一日忘羅刹也乃命彭椿公領鐵騎三千為陸路將軍林興珠領滾牌五百為水路將軍往征之水陸並進上曰阿克薩城吾得其地眾少不能守多則餽餉難吾非欲其地特以梭倫時來哀訴吾不忍其侵暴命汝往討其罪汝彭椿體朕此意林興珠老將知兵宜聽其方略以時進取邊地早寒不宜久駐林侯南人且老不能寒城克令其先歸汝彭椿撫其眾欲歸羅刹者放之歸有降者與偕來燬其城柵踐其土地蹂躪之使不可復耕牧則自外四十八旗揚兵而歸若五六月間不克亦即罷歸待來歲再計之兵進五月間至其地以梭倫人為向导切羅刹屢得志二十年無一騎至其地者城既狹小則皆散處於外備益弛梭倫人導吾眾走深山中亦不深諳道路識方向耳見有人煙趣圍之數家聚耳屋皆以樺皮甚堅緻執其人問之則去阿克薩不遠矣有一人逸而走林侯曰宜亟進矣掩其不備而圍之令其在外者不得入在內者不得出少遲眾合不可當也無待舟師彭椿公遂以鐵騎三千進比其入至兵已迫城下矣城中人不多眾散處不得合內外隔絕城四門皆有巨炮猛烈不可當然司砲者皆隔于城外無能施放者遂困之而城堅不能驟下城有守將其父亦守一城相距七百里城傳烽燧其父率眾五百自上流乘木筏順流而下

五月二十三日圓阿克薩二十五日救兵已至。偵知之。林侯曰：是兵自水來。若使登岸。則不可當。吾以水軍往迎之。非斃之于江中。大軍之圍不可撤也。則皆令眾裸而入水。冒藤牌于頂。持楸刀以進。羅剎眾見之。驚所未見。呼曰：大帽韃子。眾皆在水。火器無所施。而藤牌蔽其首。槍矢不能入。以長刀掠牌上。折其鏗。皆踏江中。殺傷大半。餘奔潰而逸。興珠不喪一人。復圍城。興珠曰：此倖勝。城若不克。大軍至。無噍類矣。令三千五百人人取草一束堆城下。不下即火之。城中呼號請降。而北縱其守將歸。有降者。置軍中堅守之。三日而城下。侯遂先歸。侯之眾在瀋陽。墜騎而死者一人。病死于途者三五人耳。未嘗亡一夫于敵也。陸尾。上大喜曰：林侯之功。史冊所未有也。下部議賞。不酬其勞。上命更議。彭椿公既平其地。甫歸報。而羅剎已于其地復建城。比前愈益。其眾耕牧如故。掠掠倫益甚。上怒。彭椿公踐踏其地之不力也。以前功折其罪。並侯之功亦不敘焉。

林興珠雖老。不能一日無婦人。清制。惟王行師。可携婦人。貝勒貝子公皆有定數。公以下不得有。林以女子髻其頂。詐為男子。裝置帳中。興珠不能交結。諸當事更不善事。上之左右。初。上命侍衛佛寶。闡寶。隨師東。興珠以帳有婦人。不令二人坐來。則坐之帳外。烈日中。二人以此怨之。歸譜之于。上曰：興珠固善戰。然輕佻。不持重。

無大臣體。且私携婦人。上曰。彼老非婦人。不適可無問也。然以此少之。

記查如龍劉元初事

查如龍者。下江人。弘光朝曾為部郎。後流落江湖。未嘗一日忘天下也。康熙初年。偽造天下督撫提鎮書札。官封印信花押圖章。一一逼真。書中之意。皆聯絡聲氣。共圖舉事。恢復中原。皆有報書草稿。彙為一冊。辭皆俊偉。揭之走滇南。寓山中僧舍。去省不遠。為血書一通。上平西。言天下督撫提鎮及朝中大臣。皆有同心。待王為盟津之會。王華人也。當年之事。出于不得已。今天下之機杼。在王。王若出兵。以臨中原。天下響應。此千古一時也。令一童子於王府上之。其意欲露布此書于人。魯王以不得不從之勢。童子至王府。不得其門而入。逡巡歸。後以假銀票敗露于曲靖府。曲靖知府李率祖號素園。向與平西有隙。得此甚喜。然見其書稿。牽連天下。無一遺者。遂取而焚之。唯以上平西血書。申督撫聞之于朝。命千總童三綱解之入京。如龍臨發時。呼三桂曰。我死。爾九族之滅。亦不遠矣。至京。凌遲處死。朝廷之疑滇自此愈深矣。劉玄初蜀人為蜀王劉文秀幕客。蜀平。平西王復羅置幕中。癸丑閏粵。二王皆上書請解職東歸。吳世子應熊使人啟平西曰。朝廷久疑王。今二王皆有解職疏。而王獨無。朝廷之疑愈深。速拜疏發使來。猶可及也。平西命玄初具稿。玄初曰。

上久思調玉特難啟口。王疏朝上而夕調矣。彼二王辭者自辭。王永鎮雲南胡為效之耶。不可。平西怒曰。予疏即上。上必不敢調予。具疏所以釋其疑也。怒劉出為鹽井提舉。未幾有貴州之變。三桂思玄初言以之留守學士。至夷陵駐兵松滋。三月不進。玄初上啟曰。愚計此時當直搗黃龍而痛飲矣。乃阻兵不進。河上消搖坐失機。宜以待四方之兵集。愚不知其為何說也。意者王特送諸大臣入朝為王請乎。諸大臣辱國之臣。救死不暇。烏能為王請也。若曰待世子歸乎。愚以為朝廷甯失四海。決不令世子返國也。夫弱者與强者鬪。弱者利于乘捷。而强者利于角力。富者與貧者鬪。貧者樂于速結。而富者樂于持久。今雲南一隅之地。不足當東南一郡。而吳越之財貨山陝之武勇。皆雲翔蟬集于荆襄江漢之間。乃棄兵不舉。思與久持。是何異弱者與强者角力。而貧者與富者競財也。噫。惟望天早生聖人以靖中華耳。平西不報。未幾玄初亦死。

### 記王輔臣事

王輔臣本姓李氏。河南人。少為宦官家奴。後聞其姊夫在流賊中。往依之。驍勇善戰。而拷蒲一擲。饒有劉毅之風。嘗一夜輸銀六百兩。其姊夫知而謀殺之。營弓于門內。以待輔臣歸。一發不中。反殺其姊夫而逃。後流入姜瓖營。為料某帳下健兒。有王進

朝者無子。與料善。問料曰：汝帳下人有可為我義兒者否？料曰：此有二人。其一知書，一不知書。惟公擇。不知書者，則輔臣也。王擇不知書者，自此為王氏子矣。輔臣長七尺餘，面白皙，無多鬚，眉如臥蠶，如世所圖呂溫侯像。勇冠三軍，所向不可當。號曰馬鷄子。清兵之圍大同也，輔臣乘黃驃馬，時出剽掠，來則禽人，以去。莫有撓其鋒者。清兵遠望黃驃馬，騁而來，輒驚曰：馬鷄子至！即披靡走。輔臣與白成功、葛秉貞三人更迭乘黃驃馬出。清兵亦不辨乘馬者之為誰也。見即走耳。城危甚，環降。八王子以輔臣為蝦，隨入都。都中滿漢無不以一識馬鷄子為榮矣。八王得早死，輔臣沒入身者庫久之。

章皇帝親政，嘗拊髀謂教拜曰：聞有馬鷄子者，勇士。今不知何在，安得其人而用之？拜亦不知也。一日，拜之僕騎而過市，遇一少年下馬而避道左。僕怪而問之，曰：我馬鷄子也。向者于某所識公，公忘之耶？僕喜曰：我主甚念爾，爾來朝不可不早來謝歸，以啟教。教亦喜，俟其來，即率之以見上。

上大喜，立授御前侍衛一等蝦。未幾，洪永疇經略河南。

上命侍衛二人隨侍。一為張大元，一則王輔臣也。大元教慢無禮，經略待之少不如意，輒悻悻見于詞色。嘗曰：我奉朝廷命來，隨如宣女家奴，勞苦如是，不當題我。

為一鎮總兵耶。經略亦微聞之。輔臣事經略。惟謹。經略未食。不敢食。未夜。不敢夜。視經略所向。經略行。輒左右之。過險阻。必下騎。自執其轡。有岡巒泥滑。不可行者。必背負經略而過。雖家人不是過也。勤敏謙恭。未嘗以御前人自居。經略憐愛之。曰。兒哉。有好缺。我題女官。輔臣輒泣曰。臣奉命隨相公。死隨相公耳。相公勤勞王事。臣安忍離相公左右。而安居好爵耶。經略對之亦泣下。經略以夷陵為川湖要地。上司雜處。題請設鎮。以大元為請。雖酬其願。亦即為輔臣地矣。大元之鎮。經略攜輔臣上雲南。雲南平。設援勦五營。而題輔臣為右營總兵。轄雲南迤東地方。駐曲靖府。後經略歸朝。遂隸平西王藩下。輔臣之事平西。無異經畧。而平西之侍輔臣。有加于子姪。念王輔臣不去口。有美食美衣器用之絕佳者。他人不得。必賜輔臣。輔臣為人恭以事上。信以處友。寬以待人。而嚴以御下。然有功必賞。雖嚴士亦樂為之用。嘗奉平西命征烏撒。與諸將會。食于馬一棍營中。吳應期亦在坐。應期者平西之姪也。為固山額真。飲酒薄醉。將飯矣。輔臣飯盂有死蠅焉。王總兵者見之。呼曰。飯有蠅。飯有蠅。時馬一棍為主人。御下酷厲。每以微過責人。一棍立斃。故有斯號。輔臣恐其以死蠅故而殺庖人。曰。我等身親天石人也。得食足矣。安暇擇哉。倏忽之際。死蠅我亦嘗食之矣。王總兵性愚蠢。不解輔臣意。乃曰。公能食此蠅。吾與公賭輸。吾坐下馬。輔臣念言既出。

諸口遂勉強吞之。吳應期在旁曰：奈何？王兄馬直如是好騎耶？人與兄賭食死蛇，兄便食之。若與兄賭食糞，兄亦將食糞耶？輔臣怒罵曰：吳應期女侍王之猶子，當眾辱我人懼女王子王孫，吾不懼也。吾將食王子王孫之腦髓而嚼其心肝，挖其眼睛矣。遂揮拳擊食案，案之四足皆折。案上十二磁盞，暨菜碟飯盃酒杯等，一一應手碎。左右侍從以百數，皆辟易。應期乘間逸去。諸人亦勸輔臣歸。來朝酒醒氣平，亦自悔之。左右勸輔臣往謝應期曰：固山之言，本出無心，公怒罵過甚，往謝而解可耳。王甫出門而吳已飛騎來矣。執手入拜，伏不起曰：昨以酒故無狀，出語傷兄，兄罪吾誠是。願兄恕之，無藏怒。王亦拜，掖之起曰：我醉，出語傷兄，兄不罪我，何反自責？為遂招諸鎮來，開筵痛飲極歡而別。從此相好如初，無間言矣。或有以此言聞之平西者，詞多溢惡，平西不善也。適由靖差將官入省，領餉銀事畢，辭平西歸。平西勞之曰：女歸言吾問爾帥衆各營將士無恙，更語爾主前，征烏撒時與吳應期酒後爭嚷，六年兄弟使酒罵座，此其常事。乃至老拳相向，亦復何妨？誰是婦人腹有私孕，懼其打落耶？打即打耳，何必牽引老夫？乃云女是王子，吾將食王之腦髓心肝，此誠何語？令他人聞之，掩口笑我曰：吳三桂老子平日愛惜王輔臣如珍寶，今一旦思食其腦髓，豈不令人寒心？歸語爾帥，今後更無作此等語。王輔臣聞之，亦快怏曰：我與女皆朝廷臣

豈女家人而受制于女。女自向女之姓。視我為外人。天下無不散之筵席。安能鬱鬱久居此耶。乃密遣人持金錢入都。徧賂上。聞之亦耳熱矣。適平涼提督缺出。

上以邊鎮須材。特點王輔臣。報至滇南。平西聞之。如失左右手。歎曰。小子貴亦不貴矣。家私幾何。乃如此胡為耶。及至省。辭玉王待之愈厚。執手涕泣曰。爾至平涼。無忘老夫。女家貧。人口衆。萬里迢迢。何以當此。遂出帑二萬兩。以為路費。輔臣至都。久不得陞見。蓋其平日專用。力于近侍之人。閤部九卿全不留意。故滿漢大臣多少之。無人引見。兵部曰。事關係制。在禮部。禮部復曰。提鎮引見。兵部事也。兩相推委。而王輔臣又不肯受。以金壘賄賂部臣。惟隨衆常朝而已。一日朝。

上賜羣臣茶。有近侍曾識王者。行茶至前。私問無恙。曰。來幾時矣。曰。久。匆匆不得款語。後

上燕居。偶念平涼提督何久不至。近侍奏曰。至矣。前常朝賜茶時。奴親見其坐班。

上曰。何不引見。亟令人出外訪問。立

詔之入。

上坐內廷以待。望見喜曰。有武臣如此。朕復何憂。自此

恩澤頻加。

賞賚屢

及。無日不

詔入。語必移時。廷臣駭然。不知其何自也。都下哄傳。以為平西有密

語令王入奏又訛馬鶴子為馬兒頭種種不經之語令人發笑

上問輔臣出身曰身者庫

上驚曰如此人物乃隸身者庫耶立

命出之改隸旗下因謂之曰朕欲留女子

朝朝夕接見但平涼邊庭重地非女不可其命欽天監擇好日以行時值歲暮而定期歲內

上又謂之曰行期近矣朕不能舍上元在邇其陪朕看燈過而後行更命欽天監再擇吉日于上元之後屆期入觐

溫語良久

授以方略重加賞賜御座

前有蟠龍豹尾鎗一對

上指謂輔臣曰此鎗

先帝所遺以付朕者朕每出必列此鎗于馬前以無忘

先帝汝

先帝之臣朕

先帝之子它物不足珍其分此一鎗以賜汝女持此往鎮平涼見此一鎗如見朕朕見此鎗如見女矣輔臣拜伏于地泣不能起曰聖恩深重臣即肝腦塗地不能稍報萬一敢不竭股肱之力以效涓埃涕泣而出癸丑平西王反念陝西為天下之

脊。而王輔臣張勇實握兵權。又皆舊部曲。輔臣尤為親密。雲南援勦右營標下聽用官汪士榮。尚為輔臣之所親信。三桂訪得之。以書二通劄二道付士榮。令其從間道走平涼。以致輔臣。而令輔臣以書一劄一轉致張勇。不別遣使。輔臣得書。立使人拘執士榮。令其義子王吉貞。賈逆書二通偽劄二道。解逆使汪士榮星夜入朝。

上見之大喜。置士榮于極刑。留吉貞于朝。晉職為卿。而嘉輔臣之忠貞也。張勇聞之。怒曰。吾二人事同一體。女即欲作忠臣。亦宜先使知會。同遣使入。乃背我獨獻忠于朝廷。令朝廷疑我是賣我也。我看女作忠臣者。作至難時。自此張王遂成參商矣。秦州之變。世多知之。茲不具記。然初非輔臣本意。方其下之謀為變也。輔臣以死自誓曰。甯殺我無負朝廷。言之至再。迨變局已成。而輔臣亦無如之何矣。平涼之兵。既殺經略。陝西督撫。以反狀上聞。

上亟召王吉貞入內曰。女父反矣。吉貞曰。不知也。

上即以陝撫之狀示之。吉貞戰慄。噤不能言。

上曰。無恐。朕知女父忠貞。決不及此。由經略不善調御。平涼兵變。賈女父不得不從。即女宜亟往宣朕命。女父無辜。殺經略。罪在眾人。女父宜竭力約束破賊立功。朕赦眾罪。不食言也。吉貞星夜歸平涼。時輔臣尚在秦州。平涼居守諸將技藝正不可奈。

忽見吉貞歸歡呼曰大總爺至矣擁之入城奉為總兵設官分守焉吉貞亦將

上命置醴俟自吉貞歸平涼而王氏之反勢成輔臣既殺經略詎不思疾取西安而張氏雄踞西陲耽耽虎視一舉足而東則張氏卷甲尾其後躊躇首鼠退保平涼而大兵已四集矣輔臣初在大同城破之日有結髮妻自縊而死後貴復置妻妾七人平涼被圍時輔臣顧七人而歎曰死大同者今無其人矣七人聞之同時皆自縊而死輔臣出戰雖屢勝而孤城坐困不支經略圖海招之降與之鐐刀設誓保其無它輔臣出降隨經略轉戰有功事多不具錄事平

上撤經略還朝即

召輔臣入京鞍馬已具行有日矣乃出其後妻自七人縊後

輔臣復娶一女至此忽與之反目怒不可解登時欲出之召其父來與之決絕而密語之曰領汝女亟離此他方遠嫁我出汝女所以保全之也有工匠隨征久具呈于輔臣求批歸省輔臣取具呈手製之曰汝歸即歸耳尚須此物耶汝歸不宜復來逢人不可道一王字命取銀賞之工匠涕泣辭去隨命司計者取庫中銀多少分之各為一封多以百計少或數兩一一標識餘一二萬金置之庫中以印條封之更錄簿一冊記銀數并諸雜物曰吾為提督久豈無餘貲令人動疑累女後人也取舊帳目悉火之召諸將卒親隨人等至前曰女等隨我久東西南北奔走犯霜露冒矢石亦良

苦。今我與女等辭。女等宜遠去。隨其人之功績。各以銀一封與之。曰。女持此。願歸田者。亟歸。願入行伍者。速投他鎮去。無言向在我處。眾皆哭。揮之行。曰。速去。我事自當無累女等。從此決矣。既發。遣眾乃命酒獨酌。高歌飲訖。見盛魚銀碗在案。重二十餘兩。沈吟曰。此物當與誰。適有童子捧茶至。顧曰。女在此幾年。曾娶妻否。童子曰。未娶也。遽命取石槌碗令扁。以授童子曰。與女歸娶一妻。勿更來矣。復酣飲高歌二三日。問門下尚有幾人。則惟數十人在矣。召之來共坐。呼酒歡飲。至夜半。泣謂眾曰。我起身行伍受朝廷大恩。富貴已極。前迫于眾人。為不義事。又不成功。今雖反正。然朝廷蓄怒已深。豈肯饒我。大丈夫與其駢首僇于市曹。何如自死。然刀死繩死藥死。皆有痕跡。則將遺累經略。遺累督撫。遺累汝等。我籌之熟矣。待我極醉。繫我手足。以紙蒙我面。冷水噴之。立死。與病死無異。女等以疾厥暴死為詞。眾哭諫之。怒欲自刎。眾從其言。天明。以厥死聞。後經略入朝。上問王輔臣。經略言。反非其本意。上怒曰。女與王輔臣一路人也。國海懼吞金而死。惟張勇坐鎮河西。始終不變。三秦賴其保障。

上嘉其忠。封靖逆侯。世襲人謂靖逆之功。實王輔臣激成之云。

永恩遺事

吉坦然。江甯人流寓衡陽。其尊人扈從永厯帝上雲南。坦然時尚少。亦隨之往。甲午開科中式。授大理府雲龍州知州。後改授姚安府姚州知州。清兵至。投誠。授蒙自縣知縣。坦然隨其父往來于迤東迤西諸處。知滇事最詳。後出滇流寓粵東。移衡陽焉。余問以滇中諸事。坦然多目擊者。永厯之自緬歸也。吳三桂迎入坐輦中。百姓縱觀之。無不泣下沾襟。永厯面如滿月。鬚長過臍。日角龍顏。顧盼偉如也。有滿州人見之。以為真天子。遂有密謀以圖中興者。事泄。誅四十餘人焉。予曰。我向聞其人。而遺其人之名。先生猶憶得否。坦然曰。亦忘之矣。然于法場上見為首者長七尺餘。形如虎豹。皆言其臂力絕人。騎射為滿洲之冠。永厯以此益不得更延時日矣。予曰。聞帝崩之日。天有風雷之變。果然否。曰。吳三桂既得密旨。請帝于北門庫飲。遂弑之。百姓初不之知也。是日天極晴朗。忽有黑雲起。風雷交作。城外里許有金汁湖。在歸化寺側。民儲水灌田者也。有龍出于中。蜿蜒升天。頭角小牙皆見。眾方駭觀。忽喧傳帝崩于北門。備梓宮矣。嗟乎。人心天象如此。而明竟亡。天道果不可測也。

## 記孫延齡

孫延齡。孫大堂之子也。大堂為定南中軍。定南既死。國事孔四貞尚幼。已曾許字延齡矣。被虜後亂定。流入滿洲家。詢知為皇姑也。遂送之入京。蓋四貞曾為

太皇太后義女云。

上問定南舊人四貞曾許聘人否。眾皆言延齡遂嫁之。以延齡為將軍平西之叛也。四貞延齡俱少不更事。諸都統皆定南故部曲。多戰功。延齡其後進也。四貞待諸人禮儀如定南時。諸將皆以跪拜。四貞為恥。尤不能為延齡下。積怒非一日矣。延齡有婢。其父千夫長也。婢還其父家。父嫁其女于漢人。而不告延齡。延齡知之。怒執其人杖之三十。王都統以延齡之責其官也。亦怒。唆其人告之。巡撫更懷利刃欲刺延齡。延齡遂以其事上奏。四貞亦具疏請于上。

上命大人來粵西審其事。罪坐王都統。餘皆免。究大人入都覆命。收王都統于獄。未幾滇南告變。

上命宥都統。仍管滇南主藩事。征雲南。延齡內不自安。而四貞又平西義女。反謀遂決。一日。請諸都統入府議事。議畢而出。伏兵于門。盡殲焉。投桂林城反。時提督馬雄駐柳州。延齡使人持高腳牌往招之。雄故不為延齡下。見牌益怒。曰。蠻子無禮。碎其牌。縱其使。延齡提兵往攻。為雄所敗。然平西勢日甚。雄亦不能守。曰。吾降平西。不解延齡也。乃使使自閩道往松滋。請降於平西。平西大喜。以雄為懷甯公。然雄與延齡怨如故。屢相攻。平西左右多不喜延齡。延齡又不能調和。議用事者。平西心亦疑之。

命吳大將軍往為二家講和。密授之意，使殺延齡。吳大將軍至桂林，駐城外，使人請延齡議事。議畢，出營將上馬，使人自後斬之。孔四貞遂以冊籍出降。後送四貞于雲南。而吳大將軍守桂林未幾，長沙勢敗，桂林亦震，遂棄桂林，退守南甯。而傅宏烈之兵乘隙遂入桂林。宏烈向為司馬時，曾疏言平西必反，以毀謗親王，流之嶺南。富延齡之叛，宏烈自土司出見之。延齡授以守備，卻使守梧州。江西人劉曉向宏烈在土司中，相與結為昆季。宏烈謂曉吾有取粵西策，然必須面皇上言之。然吾不能離此土，須一人為我行。曉即請往，從間道走京師，見

上密陳其策

上大喜。以宏烈曾言平西，深信其忠，遂以七千人餉給曉，使于廣東收兵以應。宏烈曰：「捷以汝為平樂知府行監軍道事。」久之，值吳大將軍退南甯，而簡親王之兵猶未至桂林。城空，宏烈以七千人先據桂林。平粵西功第一。

上授以撫蠻滅寇大將軍印，巡撫廣西。後平西死，偽周軍退入滇南。馬寶守風木，鏽清兵攻之不下，相持甚久。粵東人黃聖昔為黎平參將，平西之變，使守岳州。林興珠投誠後，以書招之，誤投他人。平西削其職，後逃入粵西，與傅宏烈為友。及宏烈入桂林，聖聞之，由土司中來說宏烈曰：「今馬寶守風木不下，天下豪傑皆思下滇南。」

將軍幸辭巡撫印說馬承印令提兵入雲南將軍將兵由古泥出通道至靖州則出風木嶺後大兵攻其前將軍斷其後馬寶兵必潰而走將軍追之直至滇南取滇南如拾芥耳此不世之奇功千古一時也宏烈為然時馬雄已死其子承印襲父職守柳已降于清矣宏烈發兵出古泥率二百餘人往說承印恐多人起馬氏之疑也馬氏諸將有王明劉燦然范大頭等皆景傑不肯為清宏烈說承印已有成說泊舟江口以待會兵宏烈之意必待馬氏之兵出境而後走古泥時王明等必欲反清而承印年少不能自主遂劫執宏烈以歸偽周周授以司農不受而死方巡撫之辭巡撫提兵入滇也惟劉曉諫不宜往而宏烈不聽時曉已為平樂府矣後曉陞浙江糧儲道罷官流寓江南他州府清兵復攻柳州承印之叔若弟皆先薙髮促承印降而王明等軍皆在外清兵既入柳州明等皆隔江遙拜馬氏率眾走慶元劉燦然以不給軍餉為其下所殺范大頭亦走死惟王明遁入八萬屬攻之不能得後報明已死得其首然非真也明亦不知所往矣

與張仲嘉論畫像書

萬斯大

古禮有畫像之事。而後世亦有之。溫公以其非古。故於書儀止載魂帛依神。而朱子不改。某則謂繪畫之事。自古而有。書言日月星辰山龍華蟲作會。左傳言遠方圖物。知虞夏時有繪物者矣。書言乃審厥象以形求說。知商時有繪人者矣。特當時無有子孫繪其祖父者。故聖人不著於經。後世圖功臣圖賢哲。往往見於紀載。而謂子孫猶不可繪其祖父。此不近人情之論也。且古禮不有尸乎。以孫像祖事死如生。古人自有深心。然行之今日。未有不視同兒戲者。曷若傳神楮墨。子孫歲時禮拜。思其居處。思其笑語。思其所樂。思其所嗜。實有洋洋如在者乎。故尸必不可有於今日。像不妨有於今日。如謂神像之名非古。則古人於尸。業稱之為神像矣。如謂肖形為不經。則傳已稱惟肖。而魂帛之肖形為已褻矣。今天下士大夫與之談禮。必曰像不可增。一至其親不忍言之際。斷斷乎無或有一人焉。能違俗而不繪者。是避其名而為其實也。噫。亦思像果何害於禮。而必欲避其名乎。嘗讀潛溪九賢圖贊。周程張朱及堯夫君實伯恭敬天皆在焉。其顰眉面目。各各生氣如見。此非得之其家傳。又何從而肖之耶。然則溫公朱子之書。子孫已不能悉遵之矣。某於此敢為一言曰。人情之所不能免者。聖人不禁。其在斯乎。今之人有能確守禮文。親死而不繪者。縱不敢議其

為非吾終欲去魂帛之號而復為重改結帛而從束帛直當廢魂帛而不置蓋始死有柩有像即古人立重之意更有魂帛則為三矣神無專依益非禮意狂瞽之論不敢自隱敬以質之先生

徐健庵曰神像之設或以為可或以為不可然則宜何從愚以為當揆之於人情而已度今之世無有不用像者眾皆用之而吾獨矯情焉於我心獨慊乎否也況圖形之說其來舊矣文翁之講堂為土偶以像聖賢人不以為非也土偶猶可而繪畫獨不可乎先聖賢猶可而吾先人獨不可乎人子當親沒之後亡矣喪矣不可得復見已矣歲時享祀一展視而儀容如在若親其笑語焉若聆其教誨焉悽悵悲懷之意益於是而深雖歲月已久而吾親固悠然在目也是亦見似目瞿之義也謂非人子之至情哉奈何其欲去之也愚故曰當揆之於人情而已

駁張仲嘉次子主喪議

武林張仲嘉著齊家寶要有云父母之喪長子為主無則次子或長孫主之予謂當改云無長子則長孫主之此古人重適之意因引公儀仲子舍孫立子孔子曰立孫為據友人吳秉孝謂予曰有次子而以孫主喪恐世俗難行且子所引乃卿大夫之禮士庶之家不必然予曰某所言者古今之通義也君之所慮者末俗之私見也

子亦知適孫為主即承事之謂乎曰雖承重猶當次子主之予曰若是猶未明乎承重之謂矣古人於子無間衆寡為父後者止適長一人是謂適子父老則傳重父沒為喪主適子死則父報之故喪服父為長子斬傳曰正體於上又乃將所傳重也注云重其當先祖之正體又以其將代已為宗廟主也此重之義也適子死則適孫為後喪服傳曰有適子者無適孫注云適子在則皆為庶孫必適子死乃立適孫適孫為祖後也為祖後則凡適子之事皆適孫承之故祖父卒服斬與子為父同此承重之義也夫祖非無庶子而必以適孫為後則知所謂正體之重庶子不得傳之矣庶子不得傳重則為喪主者非適孫而誰庶子何以不得傳重也小記曰庶子不為長子斬不繼祖與禰故也汪云尊先祖之正體不二其統也大傳曰庶子不祭明其宗也觀此則庶子不得傳重可知矣不得傳重而得為喪主乎使庶子而可為喪主則適孫可無承重矣使適孫而不為喪主則所謂承重者為何矣今天下喪禮廢壞獨適孫承重律令著之通俗行之稍見古人為後之義於此而更忽之則古意亡矣曰適孫為主庶子反無所事乎曰非也喪主者喪禮所謂主人也庶子者喪禮所謂眾主人也古禮唯擗踊哭泣喪服直絰眾主人所同而拜賓送賓及祝辭之稱與凡成禮於喪中者主人所獨今世居喪儀節大異古初子孫不分適庶樂施而無別孰謂其

無所事也。曰：然則庶子於父喪亦各有所重。適孫何以得專主耶？曰：庶子之伯其儀節亦庶子之不欲自異於適爾。謂各有所重何以庶子先父而死者其子不為祖承重乎？觀此則庶子無所重而重在適孫也。庶子雖叔父之尊不得以其為兄子而厭之矣。曰：庶子雖不厭然居喪依節適庶既均適孫之為主者於何見之？曰：勢重者難逃欲一旦復古禮於今日有所不能就。今言今唯祝辭及名刺之通於外者先適孫而後庶子。存古意什一於千百而已矣。曰：如適孫復死則如之何？曰：今制不有曾元承重者乎？謂之承重則母問曾元服斬與孫承重同服同則其為喪主亦無不同。次子亦不得而專之也。故次子為喪主者必長子無子或適孫曾無子不得已而後為之乃可爾。古人無子孫者兄弟主之無兄弟者族人主之無族人則前後家東西家或里尹主之。蓋喪有無後無主聖人盡禮之變而為之制。若言其常禮則適子適孫適曾孫適元孫之為喪主其可得而移易也哉。

承重說

或問祖亡於父後而曾祖尚存孫承重乎？且曾子曰：古禮言之重為先祖祭祀之重。曾祖而在重猶在曾祖之身。然業有曾孫而為曾祖則既老既衰重遂有已。傳未傳之別何則？古人七十曰老而傳八十齊喪之事弗及。故喪服父為長子斬。傳曰：正

體於上又乃將所傳重也。老而傳重則重在祖身。祖因得立其長子以為適子。長子而沒即立長孫以為適孫。如是而祖亡則祖身之重孫即承之矣。其或曾祖未傳重則祖在日猶為曾之適子而已。未立為適曾孫速祖亡而後立祖無重可傳。孫亦無重可承也。曰然則重有已傳未傳之別。孫即有承重不承重之殊乎。曰據禮經唯言傳重無言承重者。故儀禮於孫主祖喪止曰父卒然後為祖後者服斬。雜記載喪祭祝辭止曰哀孫皆不言承重。故喪服於為人後者曰受重。後人制禮定為承重之孫。蓋以上有傳則下有承。以別於為人後者之受重。義非不當。第專施之於孫主祖喪則意實未該。何則重為先祖祭祀之重。父死子繼豈獨非承。彼為人後而曰受重亦父死子繼也。承重與受重果有殊乎。今以子死孫承謂主祖喪為承重是重之義專指祖喪矣。豈知孫為祖後而服斬乃代其父為喪主。非關承重乎。曰五服莫重於斬。唯子為父服之。孫為祖本齊。今因父亡而服斬以為喪主不謂之承重可乎。曰吾不謂祖喪服斬之非重。第言禮之本於經。承重之稱生於傳重。傳重之義由於主祭。即安得專指孫主祖喪而言承重也。曰先祀之重雖在曾祖就曾孫言祖父之祭亦重也。得不謂之承重乎。曰曾祖尚存則祖稱無廟止得祔食於曾之祖廟。祔食則無凡其祭僅同於厭而未全乎重。安得遽稱承重也。曰然則孫主祖喪宜何稱。曰稱之為

適孫可也。古人有適子者，無適孫，稱之為適孫，即知適子之既亡，而孫代為喪主矣。且稱之為適孫，即知先祀之重在其身，不必更言承重矣。故苟拘於承重之稱，則曾祖尚存者，有傳重未傳重之別，而孫居祖喪者，固有承重不承重之疑。唯以適孫為稱，無論曾祖亡而當服斬，即曾祖存而亦當服斬，蓋服斬者，孫代父主喪而致其誠，而重之在曾祖者，仍無嫌於身之未承也。不既兩全而無失乎？曰：記謂父不主庶子之喪，祖而曾之適子也，則曾祖主其喪矣。曾孫雖服斬，豈得主之乎？曰：喪禮繁委，非老者能勝，故記云：老者不以筋力為禮。又云：七十唯衰麻在身，飲酒食肉處於內。喪親且然，況子喪乎？故必孫為主無疑也。孫既為主，可以齊衰將事乎？故必服斬無疑也。或唯唯而退。

論曾孫不當稱功服書

昨見令郎名刺有功服字，不審此何人之服也。若仍是令祖母之服，則令郎為曾祖母，當齊衰五月，不當功服。考儀禮：曾孫為曾祖父母齊衰三月。注云：高祖同。今制：曾孫為曾祖，則齊衰五月。元孫為高祖，齊衰三月。喪服斬衰之下，即是衰稱，其服最重。蓋曾元孫之於曾高祖，乃一本之親，故服齊衰重服，但以其世已遠，恩已殺，故降於期。而五月三月，在古則依禮可案。在今則家禮會典可證，昭昭然不可易也。今杭俗

曾孫皆稱功服。夫功服有大小，皆旁支及外親之服。本支子孫無服此者。唯高祖為元孫，曾祖為曾孫，祖為諸孫，乃尊服卑。上服下。故報以總功。今之曾孫稱功服者，不審大功乎？小功乎？令祖母之喪，在去年八月。至十二月，則齊衰五月之期已滿。令即之服可除。而今正月尚稱功服，必謂是大功矣。夫大功九月，較齊衰五月，月數雖多，而服反殺。徒知九月之重於五月，而不知大功之輕於齊衰。是欲厚其曾祖而反薄之。欲親其曾祖而反疏之。如之何其可也？古人服制有輕重，衰布因有精粗。故齊衰四升五升六升，布猶未成。大功七升八升九升，則已成布。故齊衰重於大功，不唯五月。即為高祖之三月，亦非大功所得同也。豈以月數拘哉？今喪禮幾亡，五服之衰輕重一施，無精麤之別。第惟先生制禮，其所以崇一本之親，而為之稱情以立文者，其名不可或紊也。故特言之。

嫂叔無服說

萬斯同

嫂叔無服之說屢見於經似無可疑矣乃儀禮喪服詁又有夫之所為昆弟服妻降一等之語則何也鄭氏於此條無注賈氏亦不得其解謂夫之諸祖父母見於總麻章夫之世叔父母見於大功章夫之昆弟之子不降嫂叔又無服今言從夫降一等記其不見者當是夫之從母之類噫從母之類而可稱之為兄弟乎既言兄弟而可索之於兄弟之外乎鄭氏之不解不能解也賈氏以從母當之不得已而強為之解也然則何以解之曰此正嫂叔有服之明証也喪服經雖不言嫂叔之有服亦未嘗言嫂叔之無服惟子夏作傳見經但言夫之祖父母世叔父母而獨不言昆弟故問曰夫之昆弟何以無服也又自以母道婦道解之蓋記禮者於經之所未及往往見之於記今記文具在人無不以記之所言與經之所言並信何獨此條之記不可信以為嫂叔之服乎蓋從上世以來嫂叔原未嘗有服制至作儀禮之人見其不可無服也故不直筆之於經而但附著之於詁以見後人之所補而非先王之所制也至大傳所言名治之說即引子夏之傳且細觀其文止言名之宜慎而未嘗言服之宜無則亦不足以為無服之據禮弓言子思之哭嫂為位不言有服無服然既已為位安知其不有服也惟奔喪篇言無服而為位者惟嫂叔此蓋傳聞異辭但據喪服之

經而不據喪服之記耳。然雖言無服而未始不言加麻。則亦深知無服之不可而加麻以表其哀戚之情也。甯謂遂可以不服乎哉。或者曰。如子言。則是服夫之兄弟大功矣。後世制為小功。議禮者猶以為非。而可以服大功乎。曰。此所謂服從服也。此正服也。凡從服者多於己無親。如夫之君。夫之舊國君。族之宗子。彼於我何親。而皆服之。齊衰也。無親於我者。而可以服齊衰。與我同室者。獨不可以服大功乎。然則何以必大功。曰。凡從服例降一等。夫於姑姊妹大功。則妻為之小功。夫於兄弟期。則妻為之大功。此一定之禮也。且不觀娣姒之服小功乎。夫於兄弟之妻大功。故妻一降一等。而小功。吾於服夫之姑姊妹娣姒小功。而知大功之服為一定而不可易也。獨怪蔣濟諸公。不能據此言以明娣姒之有服。而但以娣姒婦為証。致人之有異論。使其執此以立說。則一言可以折諸人之角。又何待更端而決哉。唯成彙援此為証。可謂得其要領。而惜其語焉不詳。而亦無以闡諸儒之口也。然則推而遠之之說。可廢乎。曰。此世儒附會之說也。先王之制禮。甯專為不肖者設哉。世之亂常瀆倫之事。自非大不肖者。必不至此也。欲為不肖者立防。而反廢親親之絕。先王之所不為也。且彼之所為。遠嫌者。將由夫淫邪之人與。雖無服制。豈能禁之。將由夫修飾之君子與。雖有服制。豈能亂焉。況所為遠別者。亦當遠之於生前。而不必遠之於生後。當夫身

沒之後舉家縞素而吾獨吉服於其間曰將以遠嫌也天下豈有此不情之人哉此非吾之言儀禮之言也吾之言不可信儀禮之言亦不可信乎且此條而不作此解將何以解之縱有善辨恐不能別為之說矣

### 師服說

檀弓曰孔子之喪門人疑所服子貢曰夫子之喪頗回若喪子而無服請喪夫子若喪父而無服吾請禮至此竊歎記禮者之失言也夫父之服子以期為宗子為長子三年其餘則長子與眾子均齊衰期年子之服父以斬若是乎父之為子與子之為父其禮原有不同也夫子之於門人可以無服而門人之於夫子亦可以無服乎倘謂師不服弟而弟亦可不服師則父服子以期者子亦將服之以期乎愚謂情若父子可也因師無服而弟亦無服則不可也禮又言孔子之喪二三子皆經而出夫喪莫重夫首經既加經則必用素弁矣既素弁則必用疑衰矣凡此非喪服而何而何以云無服也孟子亦言三年之外門人治任將歸相嚮而哭彼三年之中既羣聚於廬內豈以吉服相對乎知其必有服無疑也而子貢乃更桑室獨居三年始返彼隆於師誼如此豈肯創為無服之說以薄待其師耶愚謂喪父無服之言必記禮者失其真而非子貢實有是言也乃自檀弓載此說後之論師服者率以此為據紛紛之

論皆謂師不當制服則皆此說有以啟之也夫朋友麻之文載在儀禮聖門弟子豈有不知之者而謂其侍夫子反不若朋友哉吾固以為非子貢言之也

顧大韶放言七十子之事孔子也若事父其喪孔子也若喪父而無服矣然而終不能為服者何也懼啟後世之爭也使喪服有師弟之條則世所謂句讀之師百工技藝之師以市井為心交易為道者將安所置之邪故聖人渾之而教之心喪焉夫曰心喪則其事之如父也與視之市人也烏乎知之亦惟其心焉知之而已夫朋友亦猶是也



之關。待其自斃而攫而有之也。秦豈能制六國哉。六國自折而受制於秦。此所謂能一面以制天下也。漢以來時勢變遷。東方無事。關險不足重矣。晁公亦云。關中民力北近匈奴。東有強族。一日有變。未得高枕而臥。顧徙六國後及郡縣豪傑以實關中。為強本弱末之謀。則敵之所謀亦依然任人事而不全恃地利也。當漢之初。北邊有警。烽火通乎甘泉。唐太宗時。突厥直至便橋。及乎代宗。吐蕃突使橋入京城。燒宮室天子出走。是關以內敵人所以窺秦者非一路。秦受敵之處固非一方。而謂阻三面而制一面。留侯之言至此不足據矣。其曰左殽函右隴蜀。當其盛也。隴蜀皆以固圉及其衰也。隴蜀即為敵國。諸葛亮不由蜀出祁山而與秦民雜耕於渭濱乎。唐時吐蕃之寇皆由隴通關中之形勝安在。毋怪劉裕既定三秦。委而去之。雖誠意在急歸受禪。亦或以關中不足守。而其所為形勝無以過於江南也。夫以晉之取吳。謀之數十年。竭中國之財力。值孫皓之暴亂。僅乃克之。裕孤軍獨進。直指長安。覆其國。繫其君。則函關之丸泥固不敵長江之天塹矣。是以曹丕佛狸皆臨江不濟。歎為天之所限。謂其險也。惟是國無其人。則江不可守。然無其人。關亦豈可守哉。漢之赤眉。唐之安史。黃巢之輩。入其關如踐無人之境。關不足恃明矣。故曰恃德不恃險。雖然。國亦何可無險也。易曰。王公設險以守其國。山川邱陵地之險也。設之以為險者。王公也。而



不死者。光之死。史稱其自殺以激荊軻。光亦自謂以死明不言。夫軻已許太子矣。惡用激之。太子之謀。賓客皆知之不泄。光豈不足自信。而必以死明之乎。或曰。太子遣刺客入秦。客未有能往而復返者。光舉軻自代。是舉其代之死也。故先以一死償軻。以明己之非愛其死於太子耳。侯嬴為信陵君畫計。竊虎符。奪晉鄙軍以救趙。計定度公子至軍。即自刎以死。或曰。嬴竊符殺鄙之謀。即公子行後事且發。公子且不忍鄙之死。而忍嬴之死乎。故嬴先死以絕公子之顧念。或曰。晉鄙唯宿將。魏國賴之。嬴以朱亥隨公子往擊鄙也。公子為之泣下。蓋傷鄙之死矣。嬴曰。臣度公子至鄙軍之日。北向自刎以送公子。是鄙死之日。即嬴死之期也。嬴豈償鄙死哉。蓋以死償公子之泣耳。一人之說。皆近似之而非也。夫光與嬴皆所謂義士也。義士與策士不同。策士期於成人之事。義士期於成人之志。成人之事者。必圖其有利而無害。成人之志者。雖害百而利一。猶將圖之。蓋不如是不足以成其志也。至於志已成而害隨之。則為其計者。固非一死不足以謝之矣。若太子丹之刺秦。魏公子之救趙。此皆天下之至危。而光與嬴為之計。皆一往而無復後圖者也。夫丹以不忍秦王之小忿。而欲遣刺客以快其私怨。豈為國家計哉。然其志決矣。光豈不知軻之入秦。適以速禍。然所欲成者。太子之志而已。魏公子不顧其國。而欲救趙。以取信於趙勝。既不能得諸







































